

越城縣廣勝寺



佛地經論卷第一

親光菩薩等造

大唐三藏法師玄奘奉詔譯

稽首無上良福田 三身二諦一乘衆
 我今隨力造此論 為法久住濟群生
 覽諸師意我已淨 恐餘劣智未能通
 為令彼淨生勝德 故我略釋牟尼地
 論曰佛地經者具一切智一切種智
 離煩惱障及所知障於一切法一切
 種相能自開覺亦能開覺一切有情
 如睡夢覺如蓮花開故名為佛地謂
 所依所行所攝即當所說清淨法界
 大圓鏡智平等性智妙觀察智成所
 作智受用和合一味事等是佛所依
 所行所攝故名佛地能貫能攝故名
 為經以佛聖教貫穿攝持所應說義
 所化生故應知此中宜說佛地饒益
 有情依所詮義名佛地經如緣起經
 如集寶論

略說此經所攝義者謂顯世尊佛土
 圓滿功德圓滿眷屬圓滿安立佛地
 五法摠別受用和合一味事智依淨

佛地經論第一卷 第二張 傳字號

法界具諸功德三身差別此則次第
 示現如來居如是處具如是德如是
 衆俱安立如是地義差別如是處者
 謂佛淨土即十八種圓滿莊嚴廣大
 宮殿如是德者謂佛世尊二十一種
 殊勝功德如是衆者謂無數諸大
 聲聞摩訶薩衆成就種種微妙功德
 地義別者謂大覺地五法摠別受用
 和合一味事等後當廣說

於此經中摠有三分一教起因緣分
 二聖教所說分三依教奉行分摠顯
 已聞及教起時別顯教主及教起處
 教所被機即是教起所因所緣故名
 教起因緣分正顯聖教所說法門品
 類差別故名聖教所說分顯彼時衆
 聞佛聖教歡喜奉行故名依教奉行分
 經曰如是我聞一時薄伽梵

論曰如是我聞者謂摠顯已聞傳佛
 教者言如是事我昔曾聞如是摠言
 依四義轉一依辭喻二依教誨三依
 問答四依許可依辭喻者如有說言
 如是富貴如毗沙門依教誨者如有
 說言汝當如是讀誦經論依問答者

佛地經論第一卷 第三張 傳字號

如有說言如是我聞如是宣說依許可者如有說言我當為汝如是而思如是而作如是而說或信可言是事如是有義此中惟依許可謂結集時諸菩薩眾咸共請言如汝所聞當如是說傳法菩薩便許彼言如是當說如我所聞又如是言信可審定謂如是法我昔曾聞此事如是齊此當說定無有異有義此中亦依問答謂有問言汝當所說昔定聞耶故此答言如是我聞有義此中通依四種依譬喻者謂當所說如是文句如我昔聞依教誨者謂告時眾如是當聽我昔所聞餘如前說我謂諸蓋世俗假者聞謂耳根發識聽受廢別就捨故說我聞有義如來慈悲本願增上緣力聞者識上文義相生此文義相雖親依自善根力起而就強緣名為佛說由耳根力自心變現故名我聞有義聞者善根本願增上緣力如來識上文義相生此文義相是佛利他善根所起名為佛說聞者識心雖不取得然似彼相分明顯現故名我聞應知

佛地經論第一卷 第四張 傳字號

說此如是我聞意避增減異分過失謂如是法我從佛聞非他展轉顯示聞者有所堪能諸有所聞皆離增減異分過失非如愚夫無所堪能諸有所聞或不能離增減異分結集法時傳佛教者依如來教初說此言為令眾生恭敬信受言如是法我從佛聞文義決定無所增減是故聞者應正聞已如理思惟當勤修學言一時者謂說聽時此就刹那相續無斷說聽究竟捨名一時若不尔者字名句等說聽時異云何言一時能說者得陀羅尼於一字中一刹那頃能持能說一切法門或能聽者得淨耳根一刹那頃聞一字時於餘一切皆无障碍惡能領受故名一時或相會過時分無別故名一時即是說聽共相會過同一時義時者即是有為法上假立分位或是心上分位影像依色心等捨假立故是不相應行蓋所攝何分別顯如下慶等但說一時晝夜時分諸方不定不可別說又義不定或一刹那或復相續不可定說是故捨相

佛地經論第一卷 第五張 傳字號

但說一時
薄伽梵者謂薄伽聲依六義轉一自在義二熾盛義三端嚴義四名稱義五吉祥義六尊貴義如有頌言
自在熾盛與端嚴 名稱吉祥及尊貴
如是六種義差別 應知捨名為薄伽
如是一切如來具有於一切種皆不相離是故如來名薄伽梵其義云何
謂諸如來永不繫屬諸煩惱故具自在義焰猛智火所燒練故具熾盛義妙三十二大士相等所莊飾故具端嚴義一切殊勝功德圓滿无不知故具名稱義一切世間親近供養咸稱讚故具吉祥義具一切德常起方便利益安樂一切有情無懈廢故具尊貴義或能破壞四魔怨故名薄伽梵四魔怨者謂煩惱魔蓋魔死魔自在天魔佛具十種功德名号何故如來教傳法者一切經首但置如是薄伽梵名謂此一名世咸尊重故諸外道皆稱本師名薄伽梵又此一名捨攝眾德餘名不尔是故經首皆置此名薄伽梵德後當廣說

經曰住寂勝光曜七寶莊嚴放大光明普照一切無邊世界无量方所妙飾間列周圍無際其量難測超過三界所行之處勝出世間善根所起取極自在淨識為相如來所都諸大菩薩眾所雲集無量天龍人非人等常所翼從廣大法味喜樂所持作諸眾生一切義利滅諸煩惱災橫纏垢遠離眾魔過諸莊嚴如來莊嚴之所依處大念慧行以為遊路大止妙觀以為所乘大空無相無願解脫為所入門無量功德眾所莊嚴大寶花王眾所建立大宮殿中

受用變化二佛土中今此淨土何土所攝說此經佛為是何身有義此土變化土攝說此經佛是變化身聲聞等眾住此土中現對如來聞說是經歡喜信受而奉行故佛心所現故出三界淨識為相為說勝法化此地前諸有情類令其欣樂修行彼因故暫化作清淨佛土殊妙化身神力加眾令暫得見若不尔者聲聞等眾應俱不見有義此土受用土攝說此經佛是受用身此淨土量无边際故路乘門等是實德故受用如是清淨佛土一向淨妙一向安樂一向無罪一向自在餘處說故解深密說三地已上乃得生故說此經佛具後所說二十一種實功德故說餘經時不列如是佛功德故若暫化作如是淨土如是妙身如眾今見應如餘經分明顯說然不說故是受用土及受用身聲聞等眾是佛化作或諸菩薩現作此身莊嚴佛土說法會故若尔此是地上菩薩所應見聞何故於此化佛土中結集流布傳法菩薩為欲示現一切

智者及所居處超過一切世間法故如是示現欲令所化生欣樂故為令發願當生如是清淨佛土見如是佛聞如是法修彼因故為生廣大勝解有情及諸菩薩勝歡喜故欲令增上意樂勝解界堅牢故結集流布又是法勝於此宜聞然處非勝化身相應不可宜說故受用身居受用土為初地上諸菩薩說令傳法者結集流通若尔何故不但說彼所說法耶若不說處及能說者不知此法何處誰說一切生疑故須具說如實義者釋迦牟尼說此經時地前大眾見變化身居此穢土為其說法地上大眾見受用身居佛淨土為其說法所聞雖同所見各別雖俱歡喜信受奉行解有淺深所行各異而傳法者為令眾生聞勝怖願勤修彼因當生淨土證佛功德故就勝者所見結集言薄伽梵住寂勝等乃至廣說如來功德

銀三吠琉璃四牟娑洛揭 娑五過
 濕摩揭婆六赤真珠謂赤重所出名
 赤真珠或珠體赤名赤真珠七羯雞
 恒諾迦就此所重且說七寶其實淨
 土無量妙寶綺飾莊嚴非世所識放
 大光明普照一切無邊世界者謂大
 官殿放大光明普照一切無邊世界
 或大官殿其體周遍無邊界故放大
 光明普照一切由此二句顯佛淨土
 顯色圓滿如是淨土顯色圓滿形量
 去何無量方所妙飾間列謂大官殿
 妙飾間列無量方所或大官殿無量
 妙飾方所間列言無量者或數無量
 或處無量如慧為先安布間飾是故
 說名妙飾間列去何佛土淨心為相
 非外工具世匠所成而有如是如慧
 為先安布間飾謂佛世尊昔菩薩時
 發巧便慧如是如是加行捨願莊嚴
 佛土由先加行捨願勢力於果位中
 雖无如昔戲論覺慧而佛淨識如是
 變現亦令菩薩識如是變故不相違
 餘處亦應依此理說
 如是淨土形色圓滿分量去何周圓

无際其量難測謂大官殿其量周圓
 无際難測或大官殿其量無際周圓
 難測又東方等分齊無故長短等相
 難可測量有義如來受用身土隨所
 化生所宜而現或大或小其量无定
 雖現廣大亦有邊際然就地前菩薩
 智等說言无際其量難測有義如來
 受用身土三無數劫所修无邊善根
 所感周遍法界地上菩薩及諸如來
 亦不能測其量邊際以無邊故如無
 始時如實義者受用身土略有二種
 一自受用謂諸如來三无数劫所修
 無邊善根所感周遍法界為自受用
 大法樂故從初得佛盡未來際相續
 無變如諸功德諸大菩薩亦不能見
 但可得聞如是淨土以无量故諸佛
 雖見亦不能測其量邊際二他受用
 謂諸如來為令地上諸菩薩眾受大
 法樂進修勝行隨宜而現或勝或劣
 或大或小改轉不定如變化土如是
 淨土以有邊故地上菩薩及諸如來
 皆測其量但就地前言不能測由是
 二種差別故言周圓无際其量難測

如是淨土分量圓滿為三界處為不
 介耶超過三界所行之處謂大官殿
 處所方域超過三界所行之處非如
 三界自地諸愛執為已有所緣相應
 二縛隨增是彼異熟及增上果如是
 淨土非三界愛所執受故離二縛故
 非彼異熟增上果故如涅槃等超過
 三界異熟果地若介淨土非三界攝
 便是無漏若是无漏有為所攝即是
 道諦便是善性去何得用色聲香等
 為其體性以十八界十五有漏八無
 記等餘處說故有義十八界通有漏
 无漏皆有善性然據二乘境界盡相
 相似說言十八界中十五有漏八無
 記等有義淨土定心所變雖有色等
 似十界相非十界攝非諸世間五識
 所得如遍處等所緣青等皆是自在
 所生色故法界所攝是故淨土雖用
 色等為其體性是无漏善亦不相違
 若介菩薩五識不緣受用土耶雖依
 彼力自識變異然相極妙不相似故
 非五境攝如來五識可不緣耶佛緣
 事心作用相似假名五識實非五識

恒在定故餘處宣說五識體是自性散乱无有定故若尔不從五根生耶如來五根及色聲等相同根境假名五根及色等境定心變故實是法界自在生色若尔四智應不同時無有一時一類多識一身起故許亦何失如實義者如來身土甚深微妙非有非無非是有漏亦非无漏非善非惡亦非無記非蘊界等法門所攝但隨所宜種種異說餘處說言十八界中十五有漏八無記等但就二乘異生等境處相分別不就諸佛諸大菩薩甚深境界故餘處說如來非實蘊界處攝所有善等皆是示現乃至廣說如是淨土為與三界同一處所為各別耶有義各別有處說在淨居天上有處說在西方等故有義同處淨土周圍无有邊際遍法界故如實義者實受用土周遍法界無處无有不可說言離三界處亦不可說即三界處若隨菩薩所宜現者或在色界淨居天上或西方等處所不定如是淨土方所圓滿既超三界異熟

果地如涅槃等應无有因若有因者應三界攝若言淨土超過三界還有超過三界法因此應當說其相云何勝出世間善根所起謂大宮殿用出世間無分別智後所得智善根為因而得生起非是无因非大自在天等為因云何淨土超過三界而用出世無分別智後所得智世間淨法為異熟因不說與彼為異熟因然為餘因彼得生起如苦法智忍品世第一法為因此用本來无分別智後得無漏善法種子三無數劫修令增廣為此淨土變現生因無分別智名出世間後得過前說名為勝用勝出世无漏善根為此生因或諸聲聞獨覺聖道名出世間如來善根過彼名勝此佛淨土如來識中无漏善根為因而生有義但是增上緣生以外法故有義亦是因緣而生親能生故若不尔者應無因緣外法相望非因緣故一切外法皆用內法熏習為因若尔外法既是共有云何有情各別種子共為因緣合生一果勿以小心測量大法

外物豈是極微合成實有體性多因共感但是有情異識各變同處相似不相障身如眾燈明如多所夢因類是因果相似處所無別假名為共實各有異諸佛淨土亦復如是各別識變皆遍法界同處相似說名為共如是淨土因相圓滿果相云何最極自在淨識為相謂大宮殿最極自在佛無漏心以為體相唯有識故非離識外別有實等即佛淨心如是變現似眾寶等如前已說境界相故如入青等遍處定者識所現相此即如來大圓鏡智相應淨識由昔所修自利无漏淨土種子因緣力故於一切時遍一切處不待作意任運變現眾寶莊嚴受用佛土與自受用身作所依止處利他无漏淨土種子因緣力故隨他地上菩薩所宜變現淨土或小或大或劣或勝與他受用身作所依止處謂隨初地菩薩所宜現小現劣如是展轉乃至十地最大最勝於地地中初中後等亦復如是如是淨土果相圓滿其主云何宮殿

佛地經論卷一 第十一 攝受

定有主依持故如來所都謂大宮殿諸佛世尊為主非餘以殊勝故惟屬世尊或惟世尊住持攝受非餘所能自受用土雖遍法界一一自變各自為主不相障導他受用土雖諸佛變然一合相亦一相身攝受為主不相障導

如是淨土主既圓滿應有輔翼主必攝受輔翼者故諸大菩薩眾所雲集謂大宮殿常有無量大菩薩僧共所雲集諸來朝者必為輔翼既有無數大菩薩僧常來輔翼故无怨敵能為違害諸聲聞等無如是事謂初地上諸菩薩眾雖不能集諸佛自利受用淨土而能集會諸佛利他受用淨土諸佛慈悲於自識上隨菩薩宜現魚妙土菩薩隨自善根願力於自識上似佛所生淨土相現雖是自心各別變現而同一處形相相似謂為一土共集其中如是地上菩薩淨土為是有漏為是无漏有義無漏謂自心中後得无漏淨土種子願力資故變生淨土於中受用大乘法樂以初地上

佛

佛地經論卷一

第十一

佛地經論卷一

第十七 攝受

諸菩薩眾證真如理得真无漏處真法流住真淨土常見諸佛故所變土是真無漏道諦所攝有義有漏謂自心中加行有漏淨土種子願力資故變生淨土於中受用大乘法樂以彼菩薩雖證真如得真无漏而七地來煩惱現起乃至十地猶有修斷煩惱種子及所知障第八識體能持彼故現受熏故猶是有漏無記性攝有為无漏道諦所攝決定是善若十地中第八識體是无漏善應如佛地不能執持有漏種子不應受熏第八識體既是有漏無記性攝所變淨土云何无漏善性所攝又一有情無二實身其身亦時既有漏所依淨土云何無漏是故十地菩薩淨土是妙有漏苦諦所攝如實義者十地菩薩自心所變淨土有二若第八識所變淨土是有漏識相分攝故是有漏身所依處故雖无漏善力所資熏其相淨妙而是有漏苦諦所攝隨加行等所現亦亦若隨後得无漏心變淨土影像是有無漏識相分攝故從无漏善種子

生故體是无漏道諦所攝如是淨土輔翼圓滿應有眷屬故次說言無量天龍人非人等常所翼從謂大宮殿唯有天等眷屬圍繞无有餘類等者等取藥叉捷連縛阿素洛揭路荼緊捺洛莫呼洛伽等莫呼洛伽即攝大轉云何淨土超過三界所行之處而有天等以為眷屬天等皆是三界攝故淨識如是攝受變現為嚴淨土故不相違或為成熟所化有情示現如是變化種類如為調伏劫比拏王現化无量轉輪王眾眷屬圍繞或諸菩薩化作無量天龍等身住淨土中以供養佛或自化身為天龍等翼從如來故无有過如是淨土眷屬圓滿於中止住以何住持廣大法味喜樂所持謂於此中大乘法味喜樂所持食能令住是住持義已說淨土超過三界所行之處云何有食又無漏法不應名食食能長養三有眾生此斷有故應不名食是住持因故亦名食如汝宗中生色界等入无漏定亦應名食非過去食

應名為食過去無故此亦應亦是任持因故說為食如有漏法雖障无漏然持有漏得名為食無漏亦尔雖斷有漏然持无漏云何非食此淨土中諸佛菩薩後得無漏能說能受大乘法味生大喜樂又正體智受真如味生大喜樂能任持身令不斷壞長養善法故名為食

如是淨土任持圓滿作何事業作諸眾生一切義利謂於此中自能現作一切有情一切義利或令一切有情自作一切義利現益名義當益名利世間名義出世名利離惡名義攝善名利福德名義智慧名利如是等別雖在寂定由先所修加行願力任運能作一切有情一切義利

如是淨土事業圓滿有何攝益滅諸煩惱災橫纏垢謂於此中遠離一切煩惱纏垢及諸災橫即諸煩惱名為纏垢如是即名諸災橫因煩惱纏垢此中无故所作災橫此中亦無又煩惱者謂一百二十八根本煩惱纏者即是無慚愧等垢者即是諂誑憍等

災橫即是彼所發業及所得果若所知障或諸隨眠名為煩惱即彼現起說名纏垢本或名纏隨或名垢所知障等名為災橫此中何法名為攝益即離煩惱災橫纏垢名為攝益如世封主雖不攝受但不為災封户亦言主攝益我此亦如是又現證得解脫煩惱災橫纏垢殊勝福智故名攝益

如是淨土離內災橫攝益圓滿亦應無有外怖畏因故次示現无畏圓滿遠離眾魔謂於此中遠離一切煩惱蘊死及以天魔或能令他遠離四魔如是四種是怖畏因由是能生諸怖畏故此中無彼故无怖畏煩惱魔者謂一百二十八煩惱并隨煩惱蘊魔者謂五取蘊死魔者謂有漏內法諸無常相天魔者謂欲界第六自在天子如是四種皆能損害諸善法故說名為魔由是四魔生諸怖畏如來永離四種魔故无諸怖畏初地已止諸大菩薩在淨土中離盡四魔无五怖畏

如是淨土無畏圓滿其所住處亦應殊勝故次復說住處圓滿過諸莊嚴

如來莊嚴之所依處謂於此中佛所住處勝過一切菩薩及餘莊嚴住處惟是如來妙飾莊嚴為所住處由勝一切莊嚴住處是故說名住處圓滿如是淨土住處圓滿有何道路於中往來大念慧行以為遊路謂於此中大念大慧及以大行為所行路所遊履故名為遊路是道異名聞所成慧名為大念聞已記持无倒義故思所成慧名為大慧依理審思得決定故修所成慧名為大行由修習力趣真理故大者念等緣大乘法而生起故

是彼果故彼所攝故履三妙慧淨土往還故名遊路此說菩薩因三妙慧得入淨土故名遊路若諸如來大念即是無分別智由念安住真如理故大慧即是後所得智分別諸法真俗相故此二皆有造作淨土增上業用故俱名行由此二智通生淨土故名遊路或大念行是自利行內攝記故大慧行者是利他行外分別故如其次第通生如來二種淨土故名遊路如是淨土路既圓滿應有所乘御彼

佛地經論卷第一 第三十五張 佛字號

所乘行此道路故次說言大止妙觀以為所乘止謂三摩地觀謂般羅若大義如前此二等運故名所乘乘此止觀隨其所應行前道路路是捨位位中止觀別名所乘

如是淨土乘既圓滿應有入門從彼入門御此乘入故次說言大空元相無願解脫為所入門謂大宮殿三解脫門為所入處解脫即是出離涅槃即大空等名解脫門依從此門而入淨土遍計所執生法無我說名為空緣此三摩地名空解脫門相謂十相一色二聲三香四味五觸六男七女八生九老十死即是涅槃無此等相故名无相緣此三摩地名無相解脫門願謂求願觀三界苦無所求願故名无願緣此三摩地名無願解脫門由此空等三解脫門得入淨土故名為門大如前說此淨土中亦應有事路乘門等為令有情欣樂實德故就

行說
如是淨土門既圓滿如餘宮殿應有所依故次復說依持圓滿无量功德

佛地經論卷第一 第三十六張 佛字號

眾所莊嚴大寶花王眾所建立謂如地等依風輪等或如世間宮殿依地如是淨土无量德眾所嚴大寶紅蓮花王眾所建立謂紅蓮花大寶所成如是大寶無量功德眾善所起於眾寶中勝故名大此寶紅蓮於諸花中眾為殊勝故名花王或此寶花望諸菩薩善根所起紅蓮花眾勝故名大佛是法王是佛眾勝善根所起故名花王又此寶花極難得故名大寶花中眾勝故名花王此花非一或花葉多故名為眾世尊住此花眾建立大宮殿中說是契經是故說言大宮殿中若就如來實受用身所依淨土名大宮殿量同法界於中一一佛受用身是能說本名說此經若就如來隨菩薩宜現受用身所依淨土名大宮殿其量不定於中諸佛同現一身正說此經故此宮殿分量方所不可定說

佛地經論卷第一

佛地經論卷第一

校勘記

- 一 底本，金藏廣勝寺本。
- 一 一頁中二行「菩薩等」，石、資、磧、普、南、徑、清作「等菩薩」，以下各卷同。
- 一 一頁中三行譯者，石、南、徑、清作「唐三藏法師玄奘奉詔譯」；資作「唐三藏法師玄奘譯」；普作「大唐三藏法師玄奘譯」，以下各卷同。
- 一 二頁上三行第一〇字「信」，資、磧、普、南、徑、清、麗作「許」。
- 一 二頁上二二行首字「所」，資、磧、普、南、徑、清作「而」。
- 一 二頁中一行第七字「若」，磧、普、南、徑、清作「者」。
- 一 二頁中一二行第九字「時」，石、麗作「或」。
- 一 二頁下一四行第四字「告」，諸本作「吉」。
- 一 三頁上一行第四字「最」，磧、普、

一 〔南、徑、清〕作「是」。

一 三頁上三行「其量難測」，〔石〕作「眇然難測」，下同。

一 三頁上一八行第九字「任」，〔資、磧、普、南、徑、清、麗〕作「住」。

一 四頁上一行「婆洛揭」，〔資、磧、普、南、徑、清〕作「婆洛揭臈」；〔麗〕作「婆洛揭」。

一 五頁上一九行第一一字「无」，諸本作「不」。

一 五頁下四行第二字「因」，〔資、磧、普、南、徑、清、麗〕作「同」。

一 五頁下一四行第一一字「於」，〔資、磧、普、南、徑、清〕作「於此」。

一 六頁上一行「諸來朝者必」，〔石、資、磧、普、南、徑、清〕作「諸來朝者名」；〔麗〕作「謂來朝者必」。

一 六頁上一五行第一〇字「他」，〔磧、普、南〕作「也」。

一 六頁中一行第一〇字「如」，〔資、磧、普、南、徑、清〕作「知」。

一 六頁中一二行第一〇字「熏」，〔磧、

〔普、南、徑、清〕作「重」。

一 六頁中一四行第一〇字「情」，〔資、磧、普、南、徑、清〕作「性」。

一 六頁中一六行第四字「故」，〔資、磧、普、南、徑、清〕無。

一 六頁下一〇行第九字「爲」，〔資、磧、普、南、徑、清〕作「有」。

一 六頁下一二行首字「比」，〔磧、普、南、徑、清〕作「此」。

一 六頁下一七行首字及一八行末字「住」，〔石、麗〕作「任」。

一 六頁下二二行第二字「住」，〔資、麗〕作「任」。

一 七頁上一行末字「任」，〔徑、清〕作「住」。

一 七頁上九行第五字「任」，〔南、徑、清〕作「住」。

一 七頁中一二行第一三字「四」，〔徑〕作「此」。

一 八頁上末行第五字「復」，〔資、磧、普、南、徑、清〕作「須」。

越城縣廣勝寺



佛地經論卷第二

傳

親光菩薩等造

大唐三藏法師玄奘奉詔譯

經曰是薄伽梵寂清淨覺不二現行趣無相法住於佛住逮得一切佛平等性到无障處不可轉法所行無身其所成立不可思議遊於三世平等法性其身流布一切世界於一切法智无疑滯於一切行成就大覺於諸法智無有疑惑凡所現身不可分別一切菩薩正所求智得佛無二住勝彼岸不相間雜如來解脫妙智究竟證無中邊佛地平等極於法界盡虛空性窮未來際

論曰次顯諸佛異餘大師故說世尊功德殊勝又為其餘生淨信故顯示世尊功德圓滿應知此中二十一種殊勝功德顯薄伽梵寂清淨覺謂佛世尊普於一切有為無為所應覺境正開覺故又於一切所應覺境淨妙圓滿正開覺故又於一切所有性盡所有性正開覺故名薄伽梵取清

淨覺不二現行者顯示世尊一向無障殊勝功德謂凡夫二乘現行二障世尊无故以諸凡夫現行生死起諸雜染住者生死聲聞獨覺現行涅槃一向棄背利樂他事住著涅槃世尊無彼現行二障是故說名不二現行趣无相法者顯示世尊調化方便殊勝功德謂無相法即是涅槃佛善了知三乘有情隨彼堪能調化方便如實為說令彼趣證无相法故住於佛住者顯示世尊觀所調化殊勝功德謂住大悲晝夜六時觀世間故逮得一切佛平等性者顯示世尊得一切佛相似事業殊勝功德謂證諸佛相似事業平等性故到無障處者顯示世尊永斷所治殊勝功德謂已證得解脫一切煩惱所知二障智故及已永斷一切障故不可轉法者顯示世尊降伏外道殊勝功德謂佛正法一切外道不能退轉降伏彼已顯正道故所行无碍者顯示世尊降伏魔怨殊勝功德謂所行者即色等境此所行境擾乱心故障身善故說名魔怨

佛地經論第二卷 第二種 傳字号

諸佛世尊心善安定極悅意境亦不能亂所有功德極善成滿一切惡境不能為尋以能摧伏一切境界一切所行不能拘尋是故說名所行无尋其所成立不可思議者顯示世尊安立法教殊勝功德謂佛安立一切法教超過一切尋思境故遊於三世平等法性者顯示世尊記別三世殊勝功德謂如現在記別過去未來世事皆无尋故其身流布一切世界者顯示世尊現從觀史天宮來下殊勝功德謂現化身普於一切世界洲渚同時流下入母胎故於一切法智無疑滯者顯示世尊斷一切疑殊勝功德謂於諸法已得能除一切疑惑決定智故於一切行成就大覺者顯示世尊於一切乘所化有情能隨所應示現自身殊勝功德謂遍了知一切有情性行差別如其所應現自身故於諸法智無有疑惑者顯示世尊妙善了達一切法智能隨所應恒正教誨殊勝功德謂於諸法懷疑惑者無有堪能隨應教誨惟佛世尊證見者去

智善決定能隨所應无倒教誨無休廢故凡所現身不可分別者顯示世尊能正攝受无染自身殊勝功德謂諸佛身非是虛妄分別所起無煩惱業生雜染故以如來身非是雜染分別起故不可分別一切菩薩正所求智者顯示世尊成就佛種不断方便殊勝功德謂諸菩薩為令佛種无斷絕故勤修加行非聲聞等是故佛智惟諸菩薩正所應求得佛無二住勝彼岸者顯示世尊自性身分殊勝功德謂佛法身無差別相故名无二佛無二住即是法身真如為體无差別相於中一切二相分別皆不現行緣彼勝定常住其中故名為住即无二住名勝彼岸佛已窮到故名為得不相間雜如來解脫妙智究竟者顯示世尊受用身分殊勝功德謂受用身不相間雜一切如來受用身體各各別故如來妙智能令一切眾生解脫故名如來解脫妙智佛於此智已得究竟如是即說如來妙智不相間雜於淨佛土現受用身亦不相雜大集

會中現種種身與諸菩薩受用法樂亦不相雜如來於此智所現身亦到究竟證無中邊佛地平等者顯示世尊證真如相殊勝功德謂真如相无有中邊遠離一切有為無為中邊相故遠離方處中邊相故如是真如即是佛地平等法性證此佛地平等性故遍知一切為無為等於中不染極於法界者顯示世尊證得果相殊勝功德謂得窮極清淨法界如是法界是修道果次後二種殊勝功德顯示世尊功德无盡盡虛空性窮未來際者顯示世尊自利利他二德無盡殊勝功德謂如虛空經成壞劫性常无盡如來一切真實功德亦復如是常無斷盡如未來際无有盡期利他功德亦復如是窮未來際常作一切有情利益安樂事故
復次此中搃別顯示世尊殊勝功德初句是搃由所餘句開顯其義如是乃名善說法要由二十一殊勝功德是故說名最清淨覺不二現行者顯示世尊於所知境一向無障智轉功

德謂聲聞等於諸境界智有障導極速時方無邊老別諸佛法中无智轉故如來不尔一切時方無邊老別諸佛法中一切種智無障導轉於諸法相无知不知二種現行是故說名不二現行由此故名寂清淨覺餘句皆應如是配屬趣无相法者顯示世尊能入無二殊勝功德謂自能入永離一切分別自相解脫一切煩惱纏垢離有無相清淨真如亦令他人住於佛住者顯示世尊任運佛事不休息住殊勝功德謂无功用利有情事無有間斷安住聖天及梵住故逮得一切佛平等性者顯示世尊於法身中无依意樂作業无別殊勝功德謂一切佛真如淨智一切利益安樂意樂受用變化二利他事無老別故到无障處者顯示世尊已修一切障法對治殊勝功德謂已修習一切煩惱及所知障對治聖道已到解脫一切障處所依所趣故名為處不可轉法者顯示世尊不為一切外道所伏殊勝功德謂教證法皆不為他所退轉故

所行无尋者顯示世尊雖生世間世法不尋殊勝功德謂生世間利等八法不能尋故其所成立不可思議者顯示世尊安立正法殊勝功德謂十二分殊勝教法出過一切尋思所行非諸愚夫所能測度宣說一切自相共相故名安立遊於三世平等法性者顯示世尊能正記別殊勝功德謂於三世流轉句義曾現當生展轉記別無顛倒故記別去來皆如現在分明无倒故名平等其身流布一切世界者顯示世尊同時普於一切世界示現受用及變化身殊勝功德謂於一切無邊世界隨所化宜現琉璃等妙色身故於一切法智无疑滯者顯示世尊斷一切疑殊勝功德謂自決定乃能令他生決定故於一切行成就大覺者顯示世尊入種種行殊勝功德謂隨所化有情所宜現同類身令彼入故於諸法智无有疑惑者顯示世尊了達當來法生妙智殊勝功德謂於出過聲聞等境微細善種如瓦石中細金種子如是等境无顛倒

相皆遍知故凡所現身不可分別者顯示世尊隨其勝解如應示現殊勝功德謂佛世尊雖無分別如未足珠由諸如來增上力故亦由自身勝解力故見如來身如金色等然諸如來无有分別無異分別廣說如經或同彼類不可分別一切菩薩正所求智者顯示世尊无量所依所化有情調伏方便殊勝功德謂由無量菩薩所依一切有情調伏方便此由如來增上力故得聞正法思修次第獲得妙智異類菩薩攝受付囑展轉相續无間而轉得佛無二住勝彼岸者顯示世尊平等法身波羅蜜多最極圓滿殊勝功德謂於佛地無二法身一切施等波羅蜜多平等圓滿不相間雜如來解脫妙智究竟者顯示世尊隨其勝解示現无雜清淨佛土殊勝功德謂觀有情勝解老別示現種種不相間雜金等佛土證無中邊佛地平等者顯示世尊三身方處无有分限殊勝功德謂證平等無初中後諸佛三身於其佛地佛淨土中无有一切

方處分限極於法界者顯示世尊窮
生死際常現起作一切有情利益安
樂殊勝功德謂此法界善清淨故窮
生死際常起等流契經等法為當來
世所化有情如應如時恒現起作利
益安樂盡虛空性窮未來際者顯示
世尊無盡究竟殊勝功德謂如虛空
常無窮盡諸佛法界所起功德亦復
如是无窮盡故如未來際無有盡期
利樂一切有情加行无休息故諸佛
功德為性是常無盡究竟為性無常
相續不断无盡究竟不可定說以佛
法身清淨法界理性功德性是常故
受用變化二身功德雖性無常无斷
盡故無盡究竟一切如來本發弘願
為有情故求大菩提若諸有情盡得
滅度亦時諸佛有為功德何不断滅
諸有情界無有一切盡滅度時故佛
功德无有断滅所以者何由法尔故
無始時來一切有情有五種性一聲
聞種性二獨覺種性三如來種性四
不定種性五無有出世功德種性如
餘經論廣說其相分別建立前四種

性雖无時限然有畢竟得滅度期諸
佛慈悲巧方便故第五種性無有出
世功德因故畢竟无有得滅度期諸
佛但可為彼方便示現神通說離惡
趣生善趣法彼雖依教勤修善因得
生人趣乃至非想非非想處必還退
下墮諸惡趣諸佛方便復為現通說
法教化彼復修善得生善趣後還退
墮受諸苦惱諸佛方便復更拔濟如
是展轉窮未來際不能令其畢竟滅
度雖餘經中宣說一切有情之類皆
有佛性皆當作佛然就真如法身佛
性或少分一切有情方便而說為令
不定種性有情決定速趣无上正等
菩提果故由此道理諸佛利樂有情
功德无有断盡此利他德依自利德
乃得無断是故如來有為功德從因
生故雖念念滅而无断盡由佛功德
無盡究竟是故成就最清淨覺其餘
諸句皆應如是一一配屬何故先說
諸佛淨土後說世尊如是功德為顯
如是諸佛功德依淨土故為顯世尊
依淨佛土具如是德說此經故

次顯世尊眷屬圓滿謂大聲聞及大
菩薩餘經中說調順調順而為眷屬
解脫解脫而為眷屬是名如來眷屬
圓滿此說無量大聲聞眾无量菩薩
摩訶薩俱一切調順皆佛子等皆住
大乘遊大乘等如其次第聲聞菩薩
眷屬圓滿何故此中先說聲聞後說
菩薩為於大乘生疑惑者除彼疑故
為引不定種性菩薩生定信故為已
清淨諸大聲聞捨於自身尊貴憍故
謂於眾前大聲聞眾近對世尊親受
化故又諸聲聞常隨佛故形同佛故
內眷屬故又令菩薩於聲聞眾生恭
敬故如契經言菩薩不應於聲聞眾
不生恭敬由是讚歎聲聞功德亦令
其餘於聲聞眾生淨信故於此會中
亦有餘眾結集法者略說二眾以其
勝故如經後言世間天人阿素洛等
一切大眾聞佛所說皆大歡喜信受
奉行前說淨土寂極自在淨識為相
去何會中有聲聞等而不相違有何
相違諸聲聞等同菩薩見故成相違
若聲聞等亦如是見可作是說諸聲

佛地經論第三卷 第十一張 佛字

聞等雖預此會障見淨妙業所導故
猶如生盲不見如是淨妙境界不可
難言既不能見不應在眾以雖不見
如是淨妙而見穢土化身說故雖同
一會自業力故所見各異如見真金
謂為火等如於一處四種眾生各別
見等或復如來神力加被令覓得見
聞說妙法此是如來不思議力不可
難以根地度等化亦無過為欲莊嚴
說法會故或佛化作或諸菩薩之所
化作

經曰與无量大聲聞眾俱一切調順
皆是佛子心善解脫慧善解脫戒善
清淨趣求法樂多聞聞持其間積集
善思所思善說所說善作所作捷慧
速慧利慧出慧勝決擇慧大慧廣慧
及無等慧慧寶成就具足三明逮得
第一現法樂住大淨福田威儀寂靜
大忍柔和成就無減已善奉行如來
聖教

論曰無量大聲聞眾者其數甚多難
可筭計故名无量聞佛言音而入聖
道故名聲聞並出家僧故名為眾一

佛地經論第三卷 第十三張 佛字

切皆是取極利根波羅蜜多種性聲
聞故名為大有義皆住无學果位故
名為大如實義者皆是不定種性著
聞得小果已趣大菩提故名為大或
眾數多故名為大如今大眾一切調
順者有義有學難見所斷一百一十
二種分別嚴重煩惱不懽懷故猶如
良馬名為調順有義無學難見所斷
一百二十八種煩惱不對強故猶如
真金名為調順如實義者皆是迴向
菩提種性一切堪能發趣大果隨佛
意轉如聰慧為故名調順由佛教力
彼聖道生故名佛子如說皆從世尊
口生正法生故有義皆是趣大聲聞
能紹佛種令不斷絕故名佛子心善
解脫者離三界貪故如說離貪心得
解脫慧善解脫者已離一切染汙无
明故如說離於無明慧得解脫戒善
清淨者如契經說具足六支名戒善
淨謂住淨尸羅善自防守別解律儀
軌則所行皆悉具足於微細罪見大
怖畏受學學處或復皆得无漏戒故
名善清淨如實義者住無學位迴向

佛地經論第三卷 第十四張 佛字

大乘自分戒淨修菩薩戒故名善淨
趣求法樂者求正法時欲趣大樂謂
佛菩提不求餘事或求法時為令他
樂無求過意離惡威儀如實義者此
大聲聞專求法樂不求名聞利養恭
敬无量經典初中後分皆能聽受故
名多聞隨所聞義皆能憶持令不忘
失故名聞持數習文義令其堅住是
故說名其聞積集世間愚夫惡思所
思惡說所說惡作所作出世聖者起
過彼法與彼相違是故說名善思所
思善說所說善作所作三業清淨隨
智慧行於佛所說法毗奈耶速入其
義故名捷慧即於此中多入其義故
名速慧 能多行者說名速故入微
細義故名利慧得能出離生死妙慧
故名出慧此慧能為涅槃了因是故
說名勝決擇慧勝決擇故名勝決擇
即是涅槃此慧能為彼了因故彼立
名問答決擇無窮盡故名大慧深
廣圓滿善通達故名為廣慧有本復
說甚深妙慧謂他不能窮其底故於
軟根等諸聲聞眾此慧勝故名无等

慧此慧能扣取上義故名為慧寶是諸聲聞具此慧寶是故說名慧寶成就具足三明者謂得無學三種明故云何名為無學三明一宿住隨念智證通明二死生智證通明三漏盡智證通明無學利根所得三通除染不深三際愚故說有三明有義明者以慧為性慧能除闇故說為明有義無癡善根為性翻無明故速得第一現法樂住者證得不退勝靜慮故大淨福田者永離煩惱如世良田速能生長廣大果故威儀寂靜者一切威儀正知住故大忍柔和成就無成者於苦堪耐易共住故已善奉行如來聖教者諸有所作已圓滿故如來聖教本為有情出生死苦是諸聲聞位登無學皆出生死故善奉行如來聖教若尔何故復為說法為令迴向大菩提故是諸聲聞皆住無學盡此一報必入永滅無餘涅槃寂靜安樂與佛无異如餘論說何故引彼趣大菩提長時受苦變易位中無諸苦受斯有何過行苦有故是為大過雖經此苦

令得如來三身功德大喜大樂故無有過一切大樂不過涅槃彼已證得復何所少更求菩提涅槃雖有寂滅安樂而无受樂三菩提樂斷受樂等無量功德何用行苦有為樂耶有為无漏猶如涅槃是無漏故非行苦攝又若成佛能化无量所化有情出生死故已成佛者無此能耶无始時來衆生法尔能化所化種性相属不相属者即無化能是故如來種種方便化諸有情令得佛果化彼所化若尔聲聞或除七生或除一生或除上界處處一生餘一切生得非擇滅或一切生皆非擇滅云何更經三無數劫修菩提因而得佛耶雖諸煩惱所潤亦段得非擇滅而由願力受變易生三無數劫修菩提因无有過失非擇滅者衆緣不具於此時中畢竟不生非永不生彼雖長時住在生死由定願力資感生因令其功能多時生果即此一身展轉增勝乃至成佛如延壽法更不受生故論說言問迴向菩提聲聞為住无餘依涅槃界發趣無

上正等菩提為住有餘依涅槃界耶答惟住有餘依涅槃界中可有此事所以者何以无餘依涅槃界中遠離一切發起事業一切功用皆悉止息問若惟住有餘依涅槃界中發趣无上正等菩提者云何但由一生便能證得無上正等菩提所以者何阿羅漢等尚當无有所餘一生何況當有多生相續答由彼要當增諸壽行方能成辦世尊多分依此迴向菩提聲聞密意說言若有善修四神足已能住一劫或餘一劫餘一劫者此中意說過於一劫彼雖如是增蓋壽行發趣無上正等菩提而所修行極成遲鈍樂涅槃故不如初心始業菩薩彼既如是增壽行已留有根身別作化身同法者前方便示現於无餘依涅槃界中而般涅槃由此因緣皆作是念某名尊者於無餘依涅槃界中已般涅槃彼以所留有根實身即於此界瞻部洲中隨其所樂遠離而住一切諸天尚不能視何況其餘衆生能見彼於涅槃多樂住故於遍遊行彼

佛地經論卷第十八 傳字

彼世界親近供養佛菩薩中及於修習菩提資糧諸聖道中若放逸時諸佛菩薩數數覺悟彼覺悟已於所修行能不放逸復次迴向菩提聲聞或於學位即能棄捨求聲聞願或無學位方能棄捨由彼根性有差別故所待眾緣有差別故如是若在天學位中迴向菩提由定願力數數資昔感現身因令於長時生果相續漸漸增勝乃至成佛功德方盡此報雖親有漏因感然由無漏定願資助名不思議變易生死無漏定願不思議故若有學位迴向菩提或隨煩惱感生勢力感彼生已於最後生伏諸煩惱起定願力資後身因如前道理乃至成佛或迴心已即伏煩惱起定願力資現身因如前道理乃至成佛諸用無漏定願資助非煩惱者皆不思議變易身攝若煩惱力所感異熟分段身攝若說聲聞是化所作不須如是問答分別

經曰復有無量菩薩摩訶薩從諸佛土俱來集會皆住大乘遊大乘法於

佛地經論卷第十九 傳字

諸眾生其心平等離諸分別及不分別種種分別摧諸魔怨遠離一切眷聞獨覺繫念分別廣大法味喜樂所持超五怖畏一向趣入不退轉位息諸眾生一切苦惱所逼迫地而現在前妙生菩薩而為上首

論曰所言菩薩摩訶薩者謂諸薩埵求菩提故此通三乘為簡取大故須復說摩訶薩言又緣菩提薩埵為境故名菩薩具足自利利他大願求大菩提利有情故又薩埵者是勇猛義精進勇猛求大菩提故名菩薩此通諸位今取地上諸大菩薩是故復說摩訶薩言何故讚說菩薩功德為捨眾生輕慢心故有作是言諸聲聞眾久修梵行諸菩薩眾應當敬禮又令眾生起淨信故菩薩尚有如是功德何況如來於此讚說菩薩德中顯諸菩薩有三大事名摩訶薩一者數大以無量故二者德大謂住大乘遊大乘等三者業大謂息眾生諸苦惱故利樂有情是菩薩業從諸佛土俱來集會者謂從十方種種佛土為聽法

佛地經論卷第二十 傳字

故俱來集會亦應有此索訶世界菩薩來集而結集者但說他方菩薩來集為欲對治懈怠憍慢不來集會求聞法故如是菩薩從彼方來自求聞法非他所引一切皆具大威神力尚從他界極遠方來何況其餘而不來集前聲聞眾不說來集在此方故今說他方俱來集會故知亦有此方菩薩但略不說就德大中應知略說九種德大一精進大謂皆住大乘由精進力安住大乘拔濟有情令離生死及自發趣無上菩提二因大謂遊大乘法即十地等以聞思修等漸次而遊三所緣大謂於諸眾生其心平等即於一切有情得自他平等以大慈等平等方便故四時大謂離諸分別及不分別種種分別即於一切時猶如一念平等而轉劫名分別以於一切劫與非劫分別斷故以不分別劫與非劫故能長時修行無厭五無滌大謂摧諸魔怨以捨一切所攝受故能伏魔怨如說菩薩若於一切所攝受事知不堅實心不貪取即能摧伏

一切魔怨六作意大謂遠離一切聲聞獨覺繫念分別即是遠分斷除一切二乘作意七任持大謂廣大法味喜樂所持即用大乘法味喜樂為食八清淨大謂起五怖畏即三業清淨出諸怖畏无犯戒等諸惡趣等怖畏因故五怖畏者一不活畏二惡名畏三死畏四惡趣畏五怯衆畏如是五畏證得清淨意樂地時皆已遠離九證得大謂一向趣入不退轉位即得一切智記別地時一向不退前七地中猶有加行功用運轉未得不退无功用道其餘諸地得無加行功用運轉一向趣入不退轉地以不退地无功用道一向趣入是故說名一向趣入不退轉地就業大中息諸衆生一切苦惱所逼迫地而現在前者謂諸菩薩能息一切有情内外苦惱逼迫地位現前此地中有大悲大慈由此二種能息一切内病等苦外貧等惱之所逼迫此二多作有情利樂故得此者名為業大復次皆住大乘者謂住初地證得遍滿真法界時初得真

實大乘法故名住大乘遊大乘法者謂第二地修行菩薩三聚戒故大乘行法即三聚戒於諸衆生其心平等者謂第三地得諸勝定發四無量平等利樂諸有情故離諸分別等者謂第四地得三十七菩提分法離諸分別及不分別種種分別諸分別者即見所斷分別我見初地已離不分別者即修所斷俱生我見此地中離即此二種相應諸法名種種分別行解異故雖前後離盡處捨說如第四定說離苦樂如第三果離五下分有義此地第七識中俱生煩惱一切遠離有義此地第六識中俱生我見一切遠離非第七識以七地來猶有微細煩惱現行若無第七應无漆依應不似五第七細惑若已遠離五六七地六識盡感應不現行即達瑜伽解深密說又如二乘金剛喻定第七識惑與六識中取細煩惱一時俱斷云何此中先離第七微細煩惱後離六識慮煩惱耶是故四地得无我智滅意識中俱生我見未離第七微細煩惱

及六識中餘修斷惑此說伏離非是永滅至第十地金剛心時方頓斷滅修斷種故推諸魔怨者謂第五地觀四聖諦皆平等性摧伏執取生死涅槃差別魔怨遠離一切聲聞獨覺繫念分別者謂第六地觀十二支漆淨緣起皆平等性遠離二乘厭患難欣樂清淨繫念分別廣大法味喜樂所持者謂第七地證无相理於空智中起有勝行受大法樂起五怖畏者謂第八地一切煩惱不復現行離五怖因名起五怖五怖畏果初地已離一向趣入不退轉位者謂第九地決定趣入第十菩薩衆行圓滿不退轉位息諸衆生等者謂第十地得大法身起大悲雲雨大法雨息除一切衆生苦惱所逼迫事復次如是十句經文十到彼岸十大願等亦應配釋以初地上一地中普攝一切諸地行故妙生菩薩而為上首者謂能發起圓滿功德諸三摩地名為妙生菩薩得此三摩地故立妙生号以菩薩名多依法故如慈氏等於此衆中妙生

佛地經論卷第二 第二十四張 佛字異

菩薩寂第一故名為上首是故次下
惟告妙生發起所說此經略故惟列
一名所餘眾會但舉其數結集法者
意在略故

佛地經論卷第二

佛地經論卷第二

校勘記

- 一 底本，金藏廣勝寺本。
- 一 一〇頁中五行第九字「逮」，**徑**作「建」。
- 一 一一頁上末行「者去」，諸本作「諸法」。
- 一 一一頁中五行第三字「雜」，**麗**作「離」。
- 一 一一頁中一七行第八字「妙」，**資**、**磧**、**普**、**南**、**徑**、**清**作「如」。
- 一 一一頁下一六行第四字「如」，**資**、**磧**、**普**、**南**、**徑**、**清**作「知」。
- 一 一二頁上七行「相法」，**資**、**磧**、**普**、**南**、**徑**、**清**作「法相」。
- 一 一二頁上一三行第一二字「逮」，**徑**、**清**作「建」。
- 一 一三頁中一三行第二字「或」，諸本作「或就」。
- 一 一五頁下四行第四字「起」，**資**、**磧**、**普**、**南**、**徑**、**清**作「趣」。
- 一 一六頁上一〇行第七字「德」，**資**、**磧**、**普**、**南**、**徑**、**清**、**麗**作「能」。
- 一 一六頁中一五行第一一字「諸」，**麗**作「讚」。
- 一 一七頁上三行第七字「任」，**石**作「住」。
- 一 一七頁中九行「離即」，**徑**作「即離」。
- 一 一八頁上四行末字「故」，**徑**無。



佛地經論卷第三

親光菩薩等造

大唐三藏法師玄奘奉詔譯

傳

經曰尔時世尊告妙生菩薩妙生當知有五種法攝大覺地何等為五所謂清淨法界大圓鏡智平等性智妙觀察智成所作智

論曰如是已說教起因緣分次當顯示聖教所說分唯告妙生一菩薩者由是寂勝教所被故何故不告聲聞衆耶以諸菩薩專意怖求一切智故聞如是法生勝解故生勝解已能趣入故既趣入已能正行故正修行已速成辦故聲聞不能求一切智雖有能求聞如是法不生勝解雖生勝解不能正行雖能正行不速成辦故不告彼若尔何故說此經時預在衆會為顯時衆寂高大故化作此類為令迴向菩提聲聞發起大故引令入衆或諸菩薩現作此名故不相違略由四相安立佛地一由數故二由攝故三由名故四由決擇差別義故

今於此中且說數攝及名差別

一由數者謂有五種法後說自相其數自顯何故說數為決定故惟有五法不增不減法者即是持自相義非與可愛果異熟義二由攝者謂攝大覺地大覺是佛具三種身一者自性二者受用三者變化後當廣說地謂大覺所依所攝所行境界安立自相所緣差別以一切法為境界故安立所緣言攝一切安立自相唯攝自體合為一故大覺地中無邊功德略有二種一者有為二者無為無為功德淨法界攝淨法界者即是真如無為功德皆是真如體相差別有為功德四智所攝無漏位中智用強故以智名顯一切種心心所有法及彼品類若就實義一一智品具攝一切功德法門若就應相妙觀察智攝四念住觀察一切身等法故平等性智攝四正斷及四無量以四正斷雖用精進為其自性而由如來平等性智所攝受故无高下相四無量者平等行故此智所攝四如意足以三摩也為自

性故觀察智攝住持一切陀羅尼門
 三摩地門下經說故如是其餘靜慮
 解脫等持等至陀羅尼門三摩地門
 無諍願智通無尋解如來十八不共
 佛法力无畏等多分攝在妙觀察智
 神境智通多分攝在成所作智漏盡
 智通漏盡智力若說漏盡相續中有
 四智所攝若說彼緣漏盡涅槃多分
 攝在大圓鏡智平等性智第七遍行
 行智力者四智所攝慧等諸根慧等
 諸力多分攝在大圓鏡智平等性智
 覺支道支多分攝在平等性智若等
 十智真无漏者多分攝在大圓鏡智
 平等性智無忘失法多分攝在大圓
 鏡智未斷一切習氣相續多分攝在
 清淨法界大圓鏡智波羅蜜多若是
 无漏若似有漏多分攝在後二智中
 諸相隨好多分攝在成所作智其餘
 佛法如其所應隨相應攝如是四智
 具攝一切佛地无漏心及心法若俱
 有法若所變現品類差別清淨法界
 攝真如上諸相功德是故五法具攝
 一切佛地功德

三由名者謂清淨法界廣說乃至成
 所作智清淨法界者謂離一切煩惱
 所知客塵障垢一切有為无為等法
 無倒實性一切聖法生長依因一切
 如來真實自體无始時來自性清淨
 具足種種過十方界極微塵數性相
 功德无生無滅猶如虚空遍一切法
 一切有情平等共有與一切法不一
 不異非有非无離一切相一切分別
 一切名言皆不能得唯是清淨聖智
 所證二空无我所顯真如為其自性
 諸聖分證諸佛圓證如是名為清淨
 法界大圓鏡智者謂離一切我我所
 執一切所取能取分別所緣行相不
 可了知不愚不忘一切境界不分別
 知境相差別一切時方無間无斷永
 離一切煩惱障垢有漏種子一切清
 淨無漏功德種子圓滿能現能生一
 切境界諸智影像一切身土影像所
 依住持一切佛地功德窮未來際无
 有斷盡如是名為大圓鏡智平等性
 智者謂觀自他一切平等大慈大悲
 恒共相應常无間斷建立佛地無住

涅槃隨諸有情所樂示現受用身土
 種種影像妙觀察智不共所依如是
 名為平等性智妙觀察智者謂於一
 切境界差別常觀無尋攝蔽一切陀
 羅尼門三摩地門諸妙定等於大眾
 會能現一切自在作用斷一切疑兩
 大法雨如是名為妙觀察智成所作
 智者謂能遍於一切世界隨所應化
 應熟有情示現種種无量無數不可
 思議佛變化事方便利樂一切有情
 常無間斷如是名為成所作智
 復次建立如是五法因故果因果差
 別故因者即是清淨法界是能生長
 聖法因因果謂聖智緣彼生故依止
 彼故此聖智果差別有四隨起建立
 謂緣法界任持一切隨聞法故於諸
 有情證得自他平等性故開示正法
 勝方便故利他因故
 復次建立如是五法佛自體故因故
 果故佛自體者清淨真如為體相故
 及緣此境无分別智為體相故因謂
 無量常天間斷於諸有情平等性智
 果謂鏡益一切有情二殊勝智觀察

可化不可化故隨其所具成所作故
復次建立如是五法謂於佛地果位
差別即智斷果為佛地體斷果即是
清淨法界於中一切障永斷故智有
四種大圓鏡等於佛果地諸心心法
分位所現諸功德中智最殊勝以智
為名捨攝一切有為德故

復次如是所說法門建立五法捨攝
佛地一切佛法捨攝無為諸功德故
聞熏成熟任持一切佛地所攝諸功
德故於諸有情常現起作利益安樂
平等事故隨羅尼門三摩地門無邊
無量福智莊嚴所隨逐故能成一切
利樂有情變化事故

復次如是所說四智轉何法得攝大
乘說轉識蓋得何故轉心而得心法
非得心法四無漏心智相應故假說
名智故論說言問正智當言實有當
言假有答當言俱有此中智是實有
若智眷屬諸心心法亦名為智說之
為假故有二種此中無漏心心法等
智為主故皆說名智轉識蓋依得四
無漏智相應心謂大圓鏡心廣說乃

至成所作心轉第八識得大圓鏡智
相應心能持一切功德種子能現能
生一切身上智影像故轉第七識得
平等性智相應心遠離二執自他差
別證得一切平等性故轉第六識得
妙觀察智相應心能觀一切皆無尋
故轉五現識得成所作智相應心能
現成辦外所作故復有義者轉第六
識得成所作轉五現識得妙觀察此
不應亦非次第故說法除疑周遍觀
察非五用故如是轉去生死位中四
相應品心及心法轉得佛果四相應
品心及心法皆說名智

復次如是所說四智相應心品為何
所緣大圓鏡智相應心品若一相說
惟緣真如無分別智非後得智所緣
行相不可知故若具相說緣一切法
莊嚴論說大圓鏡智普於一切所知
境界不愚迷故此經中說如依圓鏡
眾像影現如是依止如來智鏡諸處
境識眾像影現言諸處者謂內六處
言諸境者謂外六境言諸識者謂六
種識如是智上有十八界眾像影現

故知此智緣一切法由此鏡智於一
切時緣一切法故說如來真一切智
若不亦者餘智不定知一切法如來
不應名一切智如是鏡智內緣自體
功德種子外緣一切若真若俗所知
境界現身上等一切影像緣真義邊
名无分別智緣俗義邊名後得智雖
緣一切行相微細不可了知如阿賴
耶雖緣三境以微細故亦言緣境不
可了知故不應以不可了知證此鏡
智唯緣真如无分別智非後得智諸
心心法體雖是一義用有多隨用差
別分為二智亦无有過要達真理方
了事俗故雖一心義說先後或似後
得名後得智餘亦如是平等性智相
應心品有義唯緣大圓鏡智如染汗
意緣阿賴耶為境界故有義唯緣真
如實際緣平等性為境界故如實義
者此智亦緣一切為境普緣一切平
等性故莊嚴論說平等性智緣一切
有情自他平等故隨諸有情勝解示
現佛影像故此經中說證得十相平
等性故此平等性通真及俗故緣一

佛地經論第三卷 第九張 傳字字

切亦無過失若不緣俗即不能隨一切有情勝解示現諸佛影像亦不應以染汙未那類平等智惟緣鏡智凡聖異故違聖教故餘不類故妙觀察智相應心品普觀一切自相共相皆無障導故緣一切所知境界成所作智相應心品有義唯緣五種現境莊嚴論說如來五根一一皆於五境轉故如實義者成所作智亦緣一切於一切境皆無障故莊嚴論說成所作智於一切界起種種化無有數量不可思議作諸有情一切義利此經中說成所作智起作三業諸變化事決擇衆生八万四千心行差別宜說對治作四記論受領去來現在等義若不普緣一切境界无此功能又諸佛心無障自在一一皆能照一切境但作意力或緣一法或緣一切且說五根於五境轉不言唯尔故不成證集量論說諸心心法皆證自體名為現量若不尔者如不曾見不應憶念是故四智相應心品一一亦能照知自體云何不與世法相違乃不自割指

佛地經論第三卷 第十張 傳字字

端不能觸指端故不見燈等能自照耶云何得知燈等自照現見无闇分明顯現若不自照應有闇障應不現見由此故知燈等自照燈等非闇何須照耶如瓶衣等體雖非闇無燈等照邊有闇障不得現見燈等照時除彼邊闇令得現見說名為照燈等亦尔自體生時邊闇障除令現得見故名自照諸心心法雖有勝劣皆能外緣內證自體猶如光明既能照他亦能自照非如刀等諸法法尔不可一類此就處相諸心心法各有相見二分而說集量論中辯心心法皆有三分一所取分二能取分三自證分如是三分不一不異第一所量第二能量第三量果若細分別要有四分其義方成三分如前更有第四證自證分初二分是外後二是內初唯所知餘通二種謂第二分唯知第一或量非量或現或比第三自證能證第二及證第四證自證能證第三第三第四皆現量攝由此道理雖是一體多分合成不即不離內外並知無无窮

佛地經論第三卷 第十一張 傳字字

過是故經言 衆生心二性內外一切分所取能取經見種種差別 此頌意言衆生心性二分合成若內若外皆有所取能取纏繞見有種種或量非量或現或比多分差別四智心品雖有多分然皆無漏現量所攝此義廣如餘處分別義用分多非體有異如一法上苦无常等種種義別而體是一 復次如是所說四智相應心品為有相分見分等耶定有見分照照境有自證分通照見分證自證分證自證分照自證分故亦定有若無如是三分差別應无所緣應不名智相分不定有義真實無漏心品无障導故親照前境無逐心變似前境相以无漏心說名無相无分別故又說緣境不思議故有義真實無漏心品亦有相分諸心心法法尔似境顯現名緣非如鉗等動作取物非如燈等舒光照物如明鏡等現影照物由似境現分明照了名无障導不執不計說名無

相亦無分別妙用難測名不思議非不現影若言无相則無相分言无分別應無見分都无相見應如虚空或兔角等應不名智無執計故言无能取所取等相非無似境緣照義用若无漏心全無相分諸佛不應現身土等種種影像如是則違處處經論轉色蘊依不得色者轉四蘊依應无識等則成大過有義無漏无分別智相應心品無分別故所緣真如不離體故如照自體无別相分若後得智相應心品有分別故所緣境界或離體故如有漏心似境相現分明緣照若无漏心緣離體境無似彼相而得緣者觀所緣論不應說言五識上无似極微相故非所緣如是境相同無漏心无漏種起雖有相似有漏法者然非有漏如有漏心似无漏相非無漏故且止廣論如是分別但就世俗言說道理非就勝義若就勝義離言絕慮既无相見不可言心及心法等離諸戲論不可思議

心法共相應耶有二十一謂五遍行五各別境十一惟善於一切處常遍行故如來恒樂了所知境欲无減故印境勝解常無減故了曾受境念无減故如來無有不定心故恒決擇故極淨信等常相應故无染汙故無瞋眠故无惡作故現證一切无尋伺故有漏心品勝劣不定所緣拘寻心法相應或多或少无漏心品自在无寻心法平等乐不相障

復次如有所說四智相應心品何位初得何位現行無漏種性无始本有依異熟識生滅相續發心已去由外熏習漸漸增長大圓鏡智相應心品金剛前定現在前時轉滅一切有漏種子異熟識等今時方得取初現行一切佛果無漏種子圓滿依附盡未來際常无間斷平等性智相應心品菩薩初地初現觀時取初現行從此已去後後地中修令增長清淨圓滿無漏觀等現在前時恒常現行若有漏心現在前時則便間斷如是展轉乃至十地取後心時自此已後盡未來際常無間斷如有漏位阿賴耶識恒與未那一識俱起无漏位中大圓鏡智亦應常與平等性智一時而起故平等智亦無間斷妙觀察智相應心品亦在初地初現觀時取初現行從此已後漸修增長若有漏心正現前時或無心時則便間斷如是展轉乃至佛果若入滅定亦不現行成所作智相應心品有義初地已上諸位皆得現行墮法流故如實義者佛果方起以十地中有異熟識所變五根非无漏故能依五識亦非無漏有漏五根發无漏識曾未見故於佛果上此智亦不恒現在前作意起故數數間斷

如是四智相應心品種子本有元始法尔不從熏生名本性住種性發心已後外緣熏發漸漸增長名習所成種性初地已上隨其所應乃得現起數復熏習轉增轉勝乃至證得金剛前定從此已後雖數現行不復熏習更令增長功德圓滿不可增故持種淨識既非无記不可熏故前佛後佛

功德多少成過失故如是四智相應
心品一向是善一向無漏道諦所攝
諸佛無有一切有漏種子法故雖復
現化作生死身業煩惱等似苦集諦
實是无漏道諦所攝隨世俗相名五
十二十八蘊等而實非是蘊慶界攝
離戲論故離諸相故如是五法皆通
假實不待名言此餘根境皆實有故
若待名言此餘根境皆假有故又淨
法界真如為體是實有故依真建立
擇滅等相是假有故諸心智等青黃
色等是實有故不放逸等長短色等
是假有故且止廣論應釋本文
四由次擇差別義中略有三分一者
次擇五法差別二者次擇受用和合
一味事智三者總頌淨法界相具諸
功德三身差別五法別中如其次第
一一決擇
經曰妙生當知清淨法界者辭如虛
空雖遍諸色種種相中而不可說有
種種相體唯一味如是如來清淨法
界雖復遍至種種相類所知境界而
不可說有種種相體唯一味

論曰次當顯示淨法界相釋難決擇
法界差別謂有難言若諸如來法界
為性法界則用真如為體真如即是
諸法共相諸法既有種種差別法界
隨彼云何无有種種差別法界若有
種種差別云何清淨非頗迦迦種種
依止共相應故无種種相為釋此難
故說寂初太虛空喻辭如虛空雖遍
諸色種種相中者如世虛空雖遍一
切有形身色等不等類差別相中品
類差別故名種種自體集在覺慧等
上分明顯現故名為相即是行相而
不可說有種種相者而此虛空不可
宣說有諸形身種種色相由此虛空
其性自尔不應說故名不可說或不
能說名不可說謂此虛空其性如是
不可宣說有其種種能表色相亦不
可說有其種種所表色相而見虛空
有種種相及可說有種種相者此見
空中種種色相非見虛空及假說有
種種色相如青黃等或長短等非實
是有非假說有則有實事云何遍在
一切色中无種種相體唯一味者非

此虛空由與種種色相應故成種種
相不捨自性體唯有一无障身味無
異相故如是如來清淨法界等者如
世虛空有體無體雖遍一切形身色
中而不隨成形身差別亦不可說有
諸色相雖亦說有唯假非實由此虛
空不捨自相取他相故如雖假說虛
空虛空而虛空性實不可說清淨法
界亦復如是雖假說言真空真空而
真空性實不可說由此虛空先所說
因種種依止共相應故如頗迦迦法
界應有種種別者有不定過現見虛
空雖與種種色相相應而无諸色種
種相故如烟霧等共相應故有時見
空有種種相由自虛妄分別力故但
見烟等有種種相非見虛空以虛空
性不可見故如是由自虛妄分別增
益力故但見色等有種種相非淨法
界淨法界中雖無真實種種境界言
說法教而有種種境界法教差別相
轉非由彼有種種相故亦令法界有
種種相以淨法界離名言故一切名
言皆用分別所起為境然諸法教亦

不唐捐是證法界展轉因故如見字
書解所說義由此法教是諸如來大
悲所流能展轉說離言說義如以眾
彩彩畫虛空甚為希有若以言說說
離言義復過於彼如說海慧辭如有
人以種種色彩畫无色無見无對無
表虛空如牆壁等甚為希有諸佛世
尊證得甚深離言說法能以言說為
諸有情補特伽羅宣說開示復難於
彼如是廣說又頗亘迦法界為性亦
清淨故非同法喻所立因義隨一不
成或俱不成
經曰又如虛空雖遍諸色不相捨離
而不為色過所染汙如是如來清淨
法界雖遍一切眾生心性由真實故
不相捨離而不為彼過所染汙
論曰復有難言若淨法界遍在一切
所知境界亦與貪等諸煩惱垢共相
應故云何不如所餘有漏心心法品
成不清淨為釋此難故說第二太虛
空喻又如虛空雖遍諸色不相捨離
者無有別處故名不相捨離遍在內
行不見出外故既在內行不見出外

不可定言是一是異若有別處是則
虛空應有形身應是无常而不為色
過所染汙者如太虛空雖遍一切形
身色內而不為色過失所染汙色過失
者謂是生長貪瞋等因非青黃等種
種異相又於空中所有雲霧黑影色
等能令太虛捨淨相故及能障身淨
見生故名色過失又於心上所增境
相名色過失為順他意故作前說非
太虛空為彼諸色過失所染自性淨
故如是如來清淨法界雖遍一切眾
生心性由真實故不相捨離者如佛
自心真實清淨本性光潔本性淨故
一切眾生心性亦亦本性真實本性
清淨心本性者即是真如一切眾生
心平等性如說由何說心平等由空
性故說心平等如是廣說心本性者
即心法性遍在一切眾生心性故
說名心平等性為辯如是心法性故
說由真實不相捨離由是有情本淨
心性雖本性淨復由今時客塵障垢
新速離故安立如來其心清淨又諸
有情心平等性即是真實是圓成實

自性攝故由諸有情心平等性真實
相故表不捨離諸眾生心又是心性
真實相故表不捨離一切有情心性
而轉此意說言由遍轉故不相捨離
而不為彼過所染汙者本性清淨故
過謂貪等能令心相成過失故成垢
染故雖為客塵分別所轉非彼體故
不可全捨可令清淨依此密意說如
是言此心本性清淨光潔心之法性
說名為心非離心法性有異性淨心
云何有情心有貪等自分別力所任
持故心之顛倒未永斷故此由无明
力所起故此義意言譬如虛空本性
雖淨而為眩翳損肉眼故顛倒相現
似不清淨如是法界本性雖淨由自
分別所起貪等眾因緣力无明眩翳
損慧眼故顛倒相現似不清淨若一
切種清淨慧眼恒不見穢又淨法界
若無差別一切種淨則名一切如來
法身亦名如來真實體性於一切時
常无變故由此法界一切有情心相
續中平等有故說如是言一切有情
是如來藏一切有情皆有佛性為引

不定種性有情令心決定趣大乘故
 就有如來種性有情說如是言一切
 有情皆當作佛如有說言一切無常
 一切皆苦如是皆說少分一切非全
 一切若不尔者便違所說五種種性
 諸佛功德應當有盡无所度故則違
 所說如來功德常無斷盡不應无益
 常住世間本期度生求佛果故此淨
 法界雖遍一切平等皆有而由自障
 力所持故如世生盲不見日月如有
 頌言

衆生罪不現 如月於破器 遍滿諸世間
 由法光如日

由此道理如先所說亦與貪等諸煩
 惱垢共相應故如餘有漏心心法品
 清淨法界成不淨者有不定過虛空
 雖與色垢相應非不淨故心心法品
 雖與貪等煩惱相應而用清淨法界
 為性非不淨故非同法喻如說意樂
 不清淨者見心不淨隨彼亦說法界
 不淨由清淨相不顯現故意樂淨者
 見與貪等垢相應心本性清淨无垢
 穢故法界常淨彼所立因如前不成

由是法界遍一切故譬如虛空非諸
 有情過所染汙此說法界遍一切者
 所執法空普皆有故不待成立
 經曰又如虛空含容一切身語意業
 而此虛空无有起作如是如來清淨
 法界含容一切智所變化利衆生事
 清淨法界无有起作

論曰復有難言若諸如來清淨法界
 真如體則無戲論亦无起作云何得
 容利有情事因緣智生若容智生則
 有起作云何如來真如為相為釋此
 難故說第三大虛空喻又如虛空含
 容一切身語意業者如大虛空雖无
 作意而能容受有情三業身語二業
 有形身故可須容受意業云何非無
 形質有對身故須他容受即以此事
 名為容受謂彼生時不為障導有對
 導物亦以生時無障導故說言虛空
 之所容受此法亦尔生时无障而得
 生故亦得說言虛空容受又有對物
 無對導時容受餘物得往來故依此
 法上假立虛空意業亦尔將欲滅時
 容受餘物令得生起何為不得依此

法上假立虛空若異此者實有虛空
 遍一切處云何容受若體實有不障
 導故餘法得生名容受者一切無色
 實有體法皆无障導並能容受應名
 虛空餘處說言唯色無故名虛空者
 就世共知無相而說是故虛空容受
 三業亦无過失而此虛空無有起作
 者非此虛空如是分別我容受此不
 容受彼雖無作意而能容受日月燈
 等所有光明亦復如是雖无作意此
 彼分別法尔生時能照諸色如意寶
 珠亦復如是雖無作意而能滿足衆
 生意願所餘亦尔且舉虛空類顯一
 切如是如來清淨法界含容一切智
 所變化利衆生事者謂諸如來清淨
 法界任性而住無有作意安立一切
 利衆生事一切智者圓鏡智等一切
 所變化者身語意化一切利衆生事
 者謂能成辦一切有情勝利樂事清
 淨法界皆能含容彼法生時為助因
 故清淨法界无有起作者作意名起
 能令其心捨餘境界趣餘緣故心動
 名作心慮動搖有所作故謂淨法界

雖无作意心慮動搖而能容受諸智
 變化利有情事復次舍容一切智所
 變化利衆生事者謂淨法界舍容一
 切受用變化二身所作利有情因无
 窮盡故極廣大故無對導故雖无分
 別而增上力能生彼故此捨義言如
 虚空等容色生等作用轉時雖無有
 我我所作意戲論分別而法尔力廣
 作一切差別作用如是如來住无漏
 界雖無一切我我所等作意戲論種
 種分別而先所修大願力故能起一
 種分別而先所修大願力故能起一
 切智所變化利衆生事如是如來第
 一難思安住法身由先願力所任持
 故一切相好功德莊嚴窮生死際劫
 量相續雖無分別而作一切智所變
 化利衆生事如來雖无如是分別我
 於如是如是事業當作不作而本願
 力一切能作如先發願或入睡眠或
 入滅定雖無作意隨所要期覺悟出
 定如海慧經作如是說如諸慈華要期
 鍾聲而入滅定不聞鍾聲亦无分別
 由要期力應時出定如是廣說

佛地經論卷第三

佛地經論卷第三

校勘記

- 一 底本，金藏廣勝寺本。
- 一 一九頁中一九行第八字「起」，**寶**、**磧**、**普**、**南**、**徑**、**清**、**麗**作「趣」。
- 一 一九頁下末行第一二字「也」，諸本作「地」。
- 一 二〇頁上一行「住持」，諸本作「任持」。
- 一 二〇頁中二〇行「住持」，**石**、**麗**作「任持」。
- 一 二〇頁下一六行及次頁上一〇行「任持」，**磧**、**普**、**南**、**徑**、**清**作「住持」。
- 一 二〇頁下一七行「正法」，**清**作「三法」。
- 一 二一頁上一行第一〇字「冥」，**寶**、**磧**、**普**、**南**、**徑**、**清**、**麗**作「宜」。
- 一 二一頁上一行第一〇字「作」，**麗**作「佛」。
- 一 二一頁下二行第一一字「真」，諸

本作「具」。

一 二二頁上三行第四字「未」，諸本作「末」，下同。

一 二二頁上一六行第一三字「諸」，**資**、**磧**、**普**、**南**、**徑**、**清**、**麗**作「說」。

一 二二頁中二一行第六字「證」，**資**、**磧**、**普**、**南**、**徑**、**清**、**麗**無。

一 二三頁上五行第八字「似」，**資**、**磧**、**普**、**南**、**徑**、**清**作「以」。

一 二三頁上一二行末字「體」，**石**作「性」。

一 二三頁中一四行首字「熏」，**資**、**磧**、**普**、**南**、**徑**、**清**作「重」。

一 二三頁下九行第八字「義」，**資**、**磧**、**普**、**南**、**徑**、**清**作「說」。

一 二五頁上一四行第四字「色」，**麗**作「彼」。

一 二五頁上一九行第六字「如」，**資**、**磧**、**普**、**南**、**徑**、**清**作「知」。

一 二五頁中二一行末字至二二行首字「垢新」，**資**、**磧**、**普**、**南**、**徑**、**清**作「礙垢雜」。

一 二五頁中二二行第九字「其」，**資**、**磧**、**普**、**南**、**徑**、**清**作「真」。

一 二五頁下一四行第八字「肉」，**資**、**磧**、**普**、**南**、**徑**、**清**作「內」。

一 二六頁中一〇行第八字「智」，**資**、**磧**、**普**、**南**作「皆」。

一 二七頁上六行第五字「力」，**石**無。

一 二七頁上八行第一〇字「而」，**資**、**磧**、**普**、**南**、**徑**、**清**作「而生」。

一 二七頁上一二行共一四字，係衍文，諸本無。



佛地經論卷第四

親光菩薩等造

大唐三藏法師玄奘奉詔譯

經曰又如空中種種色相現生現滅而此虛空无生無滅如是如來淨法界中諸智變化利衆生事現生現滅而淨法界無生无滅論曰復有難言若淨法界遍在一切所知境界不相捨離一向隨轉是則法界應有生滅若無生滅不應遍在所知境界不相捨離一向隨轉為釋此難故說第四太虛空喻又如空中種種色相現生現滅等者此義意言如太虛空遍在諸色容受色相不相捨離一向隨轉諸色雖復現生現滅而虛空性无生無滅如是如來清淨法界遍一切境含容一切智所變化利衆生事不相捨離一向隨轉智等雖有現生現滅而淨法界無生无滅就此密意契經中說鼻珠室利不生不滅故名如來乃至廣說就勝義諦色等諸法亦無生滅就世俗諦施設

生滅是故言現此意說言就世俗相現有生滅非勝義體實有生滅淨法界中諸智變化利衆生事亦復如是經曰又如空中種種色相現增現減而此虛空無增无減如是如來淨法界中顯示如來甘露聖教有增有減而淨法界无增無減論曰復有難言若淨法界遍在一切不相捨離如來聖教現見有增後當減滅法界同彼應有增減若非法界應不清淨為釋此難故說第五太虛空喻又如空中種種色相現增現減等者如來聖教於諸外道一切世間邪劣教中取為真實殊勝清淨猶如醍醐亦如甘露令得涅槃永不死故如是聖教奉行證聖得无學果千載已前多分有故說佛正法但經千載非佛法但住千載又聲聞藏雖佛去世百年已後即分多部而菩薩藏千載已前清淨一味無有乖諍千載已後乃與空有二種異論是故說言如來正法但經千載而淨法界无增無減者如來聖教就世俗理有增有

佛地經論第四卷 第三十四卷

減非就勝義法界為性無增減故色等亦介法界為性無增無減就勝義理猶如虛空無增減相是故言現謂就世俗識等變現似有增減非就真性淨法界中色等諸法皆離戲論分別相故

經曰又如空中十方色相無邊無盡是虛空界無邊盡故而此虛空無去無來無動無轉如是如來淨法界中建立十方一切眾生利益安樂種種作用無邊無盡清淨法界無邊盡故而淨法界無去無來無動無轉

論曰復有難言若諸如來法界為體如來施與一切有情利益安樂或去或來法界與彼不相離故如所餘法應有去來應有生等若介法界應不清淨法界若無去來等事不應十方施與有情利益安樂為釋此難故說第六太虛空喻又如空中十方色相無邊無盡等者如虛空界無邊無盡十方世界亦無邊盡是故其中種種色相亦無邊盡無一方邊無諸方盡或就時處是故說名無邊無盡而此

佛地經論第四卷 第四張 佛字三

虛空無去無來無動無轉者以太虛空含容一切遍一切故無作用故如是如來淨法界中建立十方一切眾生等者利樂作用無邊無盡義如前說清淨法界無邊盡故者以淨法界無邊盡故雖無行動而增上力能於十方無邊世界無邊有情利樂事轉而淨法界無去無來等者捨此就彼名去捨彼就此名來無動無轉初標後釋法界無者無邊際故无形導故若有邊際形導諸法可說異方去來動轉非無邊際形導法界如虛空等得說去來動轉作業此揔義言清淨法界是諸如來勝義自體法界遍在一切有情相續中有彼諸有情自善種子成熟力故由淨法界增上緣力彼識生時如是作用變現而轉說名如來作諸眾生利益安樂除此作用增上緣力更無如來法身能作有情利益安樂事用如契經言善男子如來都無去來等事而言如來去來等者就受用身及變化身無相連過經曰又如空中三千世界現壞現或

佛地經論第四卷

而虛空界無壞無成如是如來淨法界中現無量相成等正覺或復示現入大涅槃而淨法界非成等覺非入寂滅論曰復有難言若淨法界離去來等云何無有方所去來而得正覺般涅槃等若有去來還得前過為釋此難故說第七太虛空喻又如空中三千世界等者此難不然譬如世界現壞現成而虛空界無成壞故淨法界中雖有諸佛現成正覺般涅槃等而淨法界真實無有成等正覺涅槃等事若有此事可為此故有去來等如虛空中現諸世界滅壞生成就世俗理非真實義彼如太虛皆性空故如是如來清淨法界現無量相成等正覺或復涅槃亦由世俗非真實義成正覺者入涅槃者皆無有故緣生諸蘊非我性故若淨法界就真實義有此二者應非真實以真實法不捨自相取餘相故若許法界捨非正覺成等正覺捨非涅槃得般涅槃則非真實若有意謂即以此義名為真實等正覺者曾無有時不等正覺般涅槃者

曾无有時不般涅槃是故真實若尔
餘事亦應如是壞劫恒壞无時不壞
成劫恒成無時不成瓶等无時不是
瓶等如是等事皆應真實若尔不應
修觀行者度熾火等遍滿世界往餘
世界應被其中火所燒等獲得增上
勝解力者於其地等應無自在轉變
作用非得勝定自在力者現等正覺
非等正覺現般涅槃非般涅槃是故
雖有先正覺位今涅槃位而淨真如
不捨自相故淨法界非成等覺非入
涅槃此中二種皆是增益為自相故
非真實有作者作用皆是遍計所執
相故俱無所有而言隨覺一切法故
名菩提者此是出世無分別智成等
正覺此中亦以緣真如智二種分別
不現行故非等正覺非般涅槃即依
如是密意說言天子當知以一切法
皆无生故諸佛現生无得无證乃至廣說
遍計所執無所有故生等分別亦无
有故由世俗理施設二故由變化身
示現二故隨順所化有情意故如來
示現如是二事且舉二事類顯一切

經曰又如依空種種色相壞爛燒燥
變異可得而虛空界非彼所變亦无
勞弊如是依止如來淨界衆生界內
種種學處身語意業毀犯可得而淨
法界非彼變異亦无勞弊
論曰復有難言若淨法界遍在一切
有情之類云何有情得有毀犯非法
界中有諸毀犯性清淨故制立學處
亦應唐捐以諸有情無毀犯故若有
毀犯應有勞弊應同二乘非極清淨
為釋此難故說第八太虛空喻又如
依空種種色相等者此難不然如虛
空故辟如依空諸草木等種種色相
壞等變異種種可得而淨虛空不為
彼物之所變異雖在其中而無變異
亦无勞弊無有壞等苦所逼故如是
依止如來淨界衆生界內雖有種種
毀犯可得而淨法界无有變異亦無
勞弊雖法淨界中現見有情自分別起
身語意業二種毀犯謂在家者害父
母等種種不善毀犯可得諸出家者
隨其所應亦有種種毀犯可得及為
遮止制立種種學處可得此皆世俗

有所違犯而淨法界非彼違犯之所
變異无異性故亦無勞弊无逼切故
若為苦逼不堪耐故則有勞弊如聲
聞等非淨法界不能堪耐一切苦逼
故无勞弊猶如虛空又如空中色等
諸法雖有壞等但是世俗而非真實
如是如來淨法界中雖有毀犯制立
學處但假安立而非實有所以者何
身等三業不善等性皆由相應發起
勢力假名建立不由自性非塊石等
由發起力可實建立為不善等身業
亦尔地等和合所成性故語業亦如
鐘鼓聲等非不善等諸无表業唯以
不作為其性故亦非實有意業亦由
相應勢力立不善等如餘相應亦非
實有因既非實果亦應尔故法界中
若業若果一切皆是分別所起世俗
識等變現而生如變現相如是建立
皆非真實
經曰又如依空大地大山光明水火
帝釋眷屬乃至日月種種可得而虛
空界非彼諸相如是依止如來淨界
戒蘊定蘊慧蘊解脫蘊斷智見諸蘊

佛地經論第四卷 第九張 佛字五

可得而淨法界非彼諸相

論曰復有難言若淨法界遍一切法應無戒等无漏蘊相不相離故應如法界亦非蘊性為釋此難故說第九太虛空喻又如依空大地大光明水火等者此難不然如虛空故譬如依空地等可得非與地等共相應故空成蘊性如是依止如來淨界雖有戒等諸蘊可得而淨法界非戒等蘊當知此中无漏淨戒名為戒蘊無漏定慧名定慧蘊無學勝解名解脫蘊无學正見名解脫智見蘊前三是因後二是果有義一切皆是無學緣解脫慧名解脫智見餘慧名慧有義一切通學无學學位分得無學圓滿諸佛菩薩皆具五故如是五蘊雖依法界而淨法界不同彼相彼亦不失五蘊自相此中亦應說五取蘊戒等无漏同法界故且略宣說淨法界中雖無戒等諸事功德而有真理功德法門彼增上緣生長一切有為功德不同虛空法界真理功德法門是无為故非蘊所攝依之生長一切功德有

佛地經論第四卷 第十張 佛字六

為生滅是蘊所攝无斷盡故亦說名常非亦不滅生必歸滅一向記故蘊所攝故非无為法有緣慮等作用義故以其勝故且說五蘊法界實是一切三乘功德所依

經曰又如空中種種因緣展轉生起三千大千无量世界周輪可得而虛空界无所起作如是如來淨法界中具無量相諸佛眾會周輪可得而淨法界无所起作

論曰復有難言若一切佛法界為體應無彼此受用差別云何得有眾會不同若所受用有差別者云何諸佛法界清淨為釋此難故說第十太虛空喻又如空中種種因緣展轉生起等者此難不然如虛空故如虛空中因緣生起三千界等周而風輪圍遶可得虛空雖无我所差別分別思慮而能容受種種差別世界周輪如是如來淨法界中自業增上所起種種眾相圓滿得一切智灌頂菩薩同一集會周輪可得別別因緣之所生起非如一佛眾會因緣第二第三亦復

佛地經論第四卷 第十一張 佛字六

如是餘契經中依此故說諸佛淨土種種可得諸佛眾會種種可得而淨法界无我我所受用差別及以造作能取所取分別可得此捨義言如來法身雖無差別戲論色像而受用身及變化身由本願力自勝行力生起種種眾相圓滿諸佛淨土諸佛眾會差別可得皆是淨識如是變現種種差別非真實有如轉輪王由宿願力亦為饒益諸有情故造作勝行生女寶等諸妙樂具種種差別諸佛亦亦為欲饒益諸有情故造作勝行自業增上生起種種淨國眾會受用法樂眾具差別但无分別與前有異復次如是已說法界諸相甚深業用甚深處所甚深相甚深者謂離十種不清淨過當知即是十清淨相不清淨過有十種者一差別過二雜染過三有行過四有為過五增減過六行動過七斷常過八勞弊過九積聚過十攝眾過十清淨相者謂无差別相無雜染相非有行相非有為相无增減相無行動相非斷常相无勞弊相

非積聚相無我所相如其次第業用甚深當知即是變化等業處所甚深當知即是無有行動衆相圓滿一切如來淨土衆會於一切處皆以虛空為譬喻者為顯法界一切處相同虛空故如契經言乃至所有施設譬喻諸如來戒等功德一切皆是謗諸如來唯除一喻謂虛空喻如來戒等无量功德同虛空故乃至廣說經曰復次妙生大圓鏡智者如依圓鏡衆像影現如是依止如來智鏡諸處境識衆像影現唯以圓鏡為譬喻者當知圓鏡如來智鏡平等平等是故智鏡名圓鏡智

心及心法識為主故惣名諸識即此諸識名衆像影種種行相差別現故此後經言大圓鏡智於一切時依諸緣故種種智影相貌生起如是等文皆說能為智影生因故名鏡智平等性智以緣生事圓鏡智等為境界故妙觀察智以一切法自相共相為境界故成所作智應知亦如是三智相應心品於內六處外六境界一切所緣所取境上變似一切自相共相種種影像分明顯現如是影像皆因如來大圓鏡智而得生起分明顯了故名為現此唯如來智等所現如來果位平等智等為自性故智等生時如自所有行相差別皆能證知唯有如來覺慧分拈說示其相餘无此能大圓鏡智說名能現由此為緣生彼影像猶如明鏡現諸影故又處境識三事各別處謂六根境謂六塵識謂六識即十八界衆像影現此衆像影隨其所應三智品現觀察智等盡所有性如所有性皆能現故如來鏡智相應淨識為緣生此三智影像故名

為現亦唯如來智等所現廣說乃至唯有如來覺慧分拈說示其相餘如前說又十八界皆在如來大圓鏡智相應心品影像顯現以諸如來鏡智生時皆能照了一切境故諸處境識猶如影像在此智中分明顯現由此鏡智攝受彼相而生起故鏡智雖无所取能取一異分別而有一切所知影現如大圓鏡此智生時如是行相為自性故如來雖無所取能取一異分別而能現證自心所現自相共相諸法影像由證知故能无顛倒說一切法自相共相由此影像如來成就無忘失法一切所知境界影像於一切時鏡智等上分明顯現无忘失故若不尔者云何如來名一切智無鏡智等不能恒時於一切法自相共相現證知故若謂相續有堪能故名一切智如有頌曰相續有堪能如火食一切如是一切智非頌知一切此但虛言他心智等取一事時不取餘事不知餘故非一切智就其相續

佛地經論第卷 第十五張 傳字号

亦不能取知現在故汝宗一念但知一分諸法共相若尔如来應假名說為一切智不可假說非一切智為一切智即成真實一切智者又以如来鏡智為緣餘相續中世出世善諸處境識眾像影現以諸世間世出世善若无鏡智皆不得生彼法生時皆由此力亦能證知此義意言如来鏡智增上緣力一切世間世出世善諸處境識皆得生起如明鏡中眾像影現雖諸有情各有因力而由鏡智為增上緣乃得生起如雖有種若无地等芽等不生如雖有質若无鏡等眾影不現若尔世尊應同妄見自在天等為世間因立為世間一切果生平等因故无此過失以彼生時唯能為作增上緣故非作者故是无常故於无量劫修集福智二種資糧所生起故一切眾生善及善緣由此得生外道妄見自在天等與諸世間為能作者其性常住故不相似若無實影圓鏡中生云何為喻有質有鏡和合為緣如是相現故得為喻謂諸有情顛倒

佛地經論第卷 第十六張 傳字号

執著影像熏習成熟力故鏡面為緣自識變異以面影現由是世間起增上慢謂我鏡中見其面影以无別影鏡中生故經但說言眾像影現不言生起如是應知一切境相皆是自識變異顯現非別實有以識勝故但言唯識非无心法亦不說言唯有一識以諸有情各有八識及心法故一切色等雖各有種皆是自識變異熏習識上功能差別為性故變現時還不離識就世俗說別有心法非真實義以就勝義諸法皆无定別性故乃至真如雖非識變亦不離識識實性故識上二空無我共相所顯示故此唯識言但遮愚夫橫計一切心心法外定性色等遍計所執不遣不離諸心心法色等諸法依他起性圓成實性非无有故由平等故此二平等是故說言平等平等世間圓鏡如来智鏡俱無分別皆能現影无有差別由是因緣名圓鏡智

經曰如大圓鏡有樂福人懸高勝處无所動搖諸有去來無量眾生於此

佛地經論第卷 第十七張 傳字号

觀察自身得失為欲存得捨諸失故如是如来懸圓鏡智處淨法界无間斷故無所動搖欲令无量無數眾生觀於淨淨為欲取淨捨諸染故論曰高勝處者所謂高幢或餘勝處淨法界者無垢真如處諸安處或依或緣无間斷故無動搖者由此鏡智無斷故无動搖此義意言大圓鏡智永離一切分別動搖一得已後盡未乘際相續無斷其餘三智雖无妄計而有無執作意分別證得已後或行不行非不動搖有義滅定平等性智亦不現行論說滅定無第七故又說亦滅一分恒行心心法故若尔論說於三位中皆无第七是則初地已上無漏現觀行時及如来地應无此智即為大失違經論故然說無者意說无有染汙第七非一切無未得法空無我智來法分別執常現依故如未證得補特伽羅空无我智彼執恒行依此識故決擇分說阿賴耶識定與未那一識俱轉若起意識定與二識

一時俱轉若五識中隨起一識定與三識一時俱轉乃至一時若起五識定與七識一時俱轉故知聖道滅定無學亦有無染法分別執平等智俱第七識等行相細故不違定滅由此滅定是无漏道所引發故體無漏故與染汙意我執相違此一分滅非滅一切故平等智於佛果上雖恒現行而十地中證得已後或起煩惱有漏心時此智不起有間斷故非不動搖其餘二智於佛果上亦不常行故非不動搖何故安處大圓鏡智在淨法界為令无量無數衆生觀染淨故何故觀彼為欲取淨捨諸染故染謂煩惱及業生相捨謂伏斷由世間道及出世道暫時畢竟伏斷彼故淨謂諸善能令衆生心清淨故取謂住持安立長養成熟種子隨所願求證解脫故此中意說一切如來昔菩薩位為欲成辦一切有情一切種相利樂事故一切有情利益安樂意樂常隨依淨法界隨所修集福智資糧迴求相續大圓鏡智方便善巧勤修習故證

得此智依緣法界相續無動雖無作意分別戲論而相續轉為增上緣令諸有情隨所求願安立長養成熟无量善根種子得世間樂出世解脫此由如來大圓鏡智起化生用為諸有情宣說法要令知染淨取淨捨染即是利樂有情根本
經曰又如圓鏡極善摩瑩鑒淨无垢光明遍照如是如來大圓鏡智於佛智上一切煩惱所知障垢永出離故極善摩瑩為依止定所攝持故鑒淨無垢作諸衆生利樂事故光明遍照論曰鑒謂自性極清淨故淨謂差別離客塵故言无垢者捨前二種周圍離垢極清淨故光者由鑒明者由淨言遍照者由無垢故於佛智上等者即煩惱障及所知障俱名為垢究竟斷故名永出離由有永出諸障垢義故說鏡智極善摩瑩又煩惱者謂貪瞋等一切煩惱纏隨眠位若行不行皆有勢力障生聖道障得涅槃亂身心故名煩惱障所知障者於所知境不染无知障一切智不障涅槃雖有

此障見聲聞等得涅槃故即此二障亦名為垢尋清淨智令不生故染淨智故由得對治客塵障垢畢竟不生名永出離由永離障大圓鏡智恒時極淨是故說為極善摩瑩為依止定所攝持故者是所依止故名依止大圓鏡智依此生故依止即定名依止定或智依定名依止定從此無間解脫道生極清淨故此所依定即是殊勝金剛喻定由彼定力障永斷故此智為彼所依止定力所攝持故名攝持彼定无間此智生故由彼定力最極清淨離諸分別無有分別鏡智生故此智既為所依止定所攝持故鑒淨无垢自體清淨故名為鑒離煩惱障故名為淨離所知障故名無垢作諸衆生利樂事故光明遍照者此智為定所攝持故亦能起作一切有情諸利樂事由作此故光明遍照自性清淨鑒故名光離煩惱障及所知障如其次第名明遍照此中意說如大圓鏡極善摩瑩鑒淨無垢為令他見面之得失為饒益事是故說名光明

佛地經論第四卷 第二十二張 傳字号甲

遍照大圓鏡智自性清淨遠離二障
鑒淨無垢雖不可見而起受用及變
化身能生諸智成辦衆生諸饒益事
是故說名光明遍照

經曰又如圓鏡依緣本種種影像
相貌生起如是如來大圓鏡智於一
切時依諸緣故種種智影相貌生起
論曰若圓鏡智是諸有情一切智等
影像生因云何影像相有差別云何
此智體无差別又一切時常能為因
何不恒時頓生一切衆生及自智等
影像釋此難言又如圓鏡依緣本質
種種影像相貌生起非影異故鏡體
差別亦非恒時頓生影像待衆緣故
如是鏡智於一切時待衆緣故生智
等影種種差別非彼異故智成青等
種種體別亦非恒時能生一切衆生
及自聖智等影待時待緣乃能生故
此中意說大圓鏡智相應淨識有二
種用一因緣用謂淨識中具有一切
能現能生身土增智淨法種子若遇
外緣即便變現身土境界種種影像
及能生起平等智等相應心品行相

佛地經論第四卷 第二十二張 傳字号甲

差別二增上緣用謂佛淨識善根願
力所生起故若諸衆生自因緣具不
時淨識即便資助令得無障生長成
滿是故鏡智體雖是一能現能生諸
法影像待外緣故非頓現起

經曰如圓鏡上非一衆多諸影像起
而圓鏡上無諸影像而此圓鏡无動
無作如是如來圓鏡智上非一衆多
諸智影起圓鏡智上无諸智影而此
智鏡無動无作
論曰若諸智影於鏡智上先已有體
云何鏡智為緣而生若先無體云何
能生諸智影像而无動作不見陶師
無有動作而能生起先无瓶等釋此
難言如圓鏡上非一衆多諸影像等
如大圓鏡能起諸影同類數多故名
非一異類無數故名衆多觀待同類
簡一種故說言非一觀待異類顯无
數故說言衆多如是鏡上雖先無影
而起多影而无思慮分別動作鏡智
亦不雖先無有智等影像而能生起
智等種種諸法影像觀待同類說言
非一觀待異類說言衆多雖生如是

佛地經論第四卷 第二十三張 傳字号甲

智等影像而无思慮分別動作此中
意言如大圓鏡雖無分別而能生起
種種影像鏡智亦不雖无我執及我
所執所取能取作意分別而能生起
種種智等諸法影像

經曰又如圓鏡與衆影像非合非離
不聚集故現彼緣故如是如來大圓
鏡智與衆智影非合非離不聚集故
不散失故
論曰若圓鏡智與諸智等影像和合
云何不由彼差別故此成差別若不
和合云何為因不見種等與諸芽等
果不和合而能為因非日光等與石
灰等不共和合而相顯照釋此難言
又如圓鏡與衆影像非合離等如世
圓鏡雖能為因起衆影像而不與彼
影像和合彼未生前由未有體不聚
集故非此與彼或俱不俱可名和合
圓鏡與影亦非別離現彼緣故即由
此義非不和合要由此有彼得有故
雖與影像為現生因而非影像有差
別故鏡成差別大圓鏡智亦復如是
雖能為因生智等影而與智等非合

非離不聚集故不散失故言非合者
彼未生前由未有體不聚集故言非
離者要有鏡智智等影生無則不生
不散失故離壞无有名為散失與彼
相違名不散失攝生彼故或不忘失
所緣境相名不散失由鏡智中顯現
一切所知相故三世智等及諸衆生
若不遍知鏡智不生要知一切此智
乃生是故此智不忘一切所緣境相
名不散失不散失故所以非離雖能
為因起智等影而不由彼有差別故
此成差別如大圓鏡無差別轉此中
意說如世圓鏡雖能為因起諸影像
而非合離差別所觸鏡智亦亦雖能
為因起智等影而非合離差別所觸
種等雖能為芽等因而亦合離俱不
可說光明細分亦非色等共相和合
以俱有故令其識上似與色等和合
相生以世現見一切因果雖非合離
而能為因是故無有因果二相決定
和合

佛地經論卷第四

佛地經論卷第四
校勘記

- 一 底本，金藏廣勝寺本。
- 一 二九頁中一九行第八字「淨」，石作「清淨」。
- 一 三〇頁上三行第八字「滅」，資、磧、普、南、徑、清、麗作「無滅」。
- 一 三〇頁上一八行第二字「與」，石、麗作「諸」。
- 一 三〇頁中九行末字「標」，諸本作「標」。
- 一 三〇頁下三行第一一字「覺」，資、磧、普、南、徑、清作「正覺」。
- 一 三一頁上九行第五字「現」，資、磧、普、南、徑、清無。
- 一 三一頁中一二行第八字「者」，磧、普、南、徑、清作「有」。
- 一 三一頁中一九行「法淨」，石、資、磧、普、南、徑、清作「淨法」；麗作「淨」。
- 一 三一頁中二〇行第五字「二」，石

作「三」。

- 一 三一頁下一一行第四字「力」，資、磧、普、南、徑、清作「故」。
- 一 三一頁下末行第九字「蓋」，麗無。
- 一 三二頁上一三行及一四行「有義」，石、資、磧、普、南、徑、清作「有說」。
- 一 三二頁中一七行第七字「界」，資、磧、普、南、徑、清作「大千界」。
- 一 三三頁中一八行第一一字「又」，磧、南、徑、清作「入」。
- 一 三三頁中二一行第九字「觀」，資、磧、普、南、徑、清作「妙觀」。
- 一 三三頁下一六行末字「鏡」，資、磧、普、南、徑、清作「境」。
- 一 三四頁中一九行「智鏡」，石、資、磧、普、南、徑、清作「鏡智」。
- 一 三四頁下六行第一〇字「諸」，資、磧、普、南、徑、清、麗作「謂」。
- 一 三四頁下一三行第八字「義」，資、磧、普、南、徑、清作「說」。
- 一 三四頁下一七行「觀行」，資、磧、普、南、徑、清作「行觀」。

- 一三四頁下末行首字「未」，諸本作「末」。
- 一三五頁上五行「定滅」，諸本作「滅定」。
- 一三五頁上一一行第一一字「常」，
[磧、普、南、徑、清]作「當」。
- 一三五頁上一七行第一二字「住」，諸本作「任」。
- 一三五頁中八行第九字「摩」，
[資、磧、普、南、徑、清]作「磨」。
- 一三五頁下九行「此所依」，
[資、磧、普、南、徑、清]作「所依止」。
- 一三六頁上五行第一〇字「種」，諸本作「質」。
- 一三六頁上一六行第二字「影」，
[石]作「影像」。
- 一三六頁上一七行第三字「體」，
[資、磧、普、南、徑、清]作「差」。
- 一三六頁上一七行第九字「能」，諸本作「頓」。
- 一三六頁上一二一行第七字「增」，諸本作「境」。
- 一三六頁中二行第七字「諸」，
[資、磧、普、南、徑、清]作「謂」。
- 一三六頁下一五行第八字「像」，
[磧、南、徑、清]作「現」。
- 一三七頁上一〇行第一二字「相」，
[磧、普、南、徑、清]作「根」。



佛地經論卷第五

親光菩薩等造

大唐三藏法師玄奘奉

詔譯

經曰又如圓鏡周瑩其面於一切處為諸影像遍起依緣如是如來大圓鏡智不斷無量衆行善瑩為諸智影遍起依緣謂聲聞乘諸智影像獨一覺乘諸智影像無上大乘諸智影像為欲令諸聲聞乘人依聲聞乘而出離故獨一覺人依獨覺乘而出離故大乘之人依无上乘而出離故論曰云何一智於一切時能生三乘一切智等諸法影像釋此難言又如圓鏡周瑩面等如世圓鏡為遍於中現其面等一切影像種種加行周瑩其面前後兩邊於一切處普能為緣現一切影鏡智亦亦一切如來為菩薩時雖有種性而為障覆未能現起為遍於中生起三乘一切智等諸法影故精勤修習不斷無量衆行善瑩金剛喻定現在前時離一切障清淨圓滿遍能生起三乘智等一切影像

不斷就方無分限故无量就時无量時故此言因位遍一切處於無量時勤修衆行除障善瑩大圓鏡智能生三乘智等影像又即鏡智遍處恒時離諸垢穢種種行德圓滿莊嚴極圓淨故一切處時能起諸影如說殊勝金剛喻定斷一切障證得如來大圓鏡智種種功德圓滿莊嚴於一切處及無量時能起三乘一切影像此中意說各別善根成熟老別勝道生時大圓鏡智或近或遠隨其所應為作強緣決定種性各依自乘而得出離不定種性或依大乘或依餘乘而得出離言出離者即是涅槃諸三乘人用自種性以為因緣如來鏡智為增上緣精勤方便修集資糧引生聖道除煩惱障及所知障隨其所應各證涅槃決定種性聲聞獨覺住無學位樂寂滅故發業潤生諸煩惱障永滅除故先業煩惱所感身心任運滅已更不受生無所依故一切有漏無漏有為諸行種子皆隨斷滅唯有轉依無戲論相離垢真如清淨法界解脫

佛地經論第五卷 第三張 佛字

身在名無餘依般涅槃界常住安樂
究竟寂滅不墮眾數不可思議同諸
如來但無有為無漏功德所莊嚴故
無有更起利益安樂有情事故不同
如來不定種性聲聞獨覺住無學位
雖無煩惱樂菩提故由定願力留身
相續修大乘行乃至獲得金剛喻定
一切障滅證佛三身雖有有為無漏
功德而無有漏身心在故證無餘依
大涅槃界依謂三界有漏身心若諸
菩薩斷二障盡得佛果時即得說名
證無餘依大涅槃界是故二乘先入
有餘依涅槃界後入無餘依涅槃界
菩薩初證如來地時須證二種大涅
槃界一切有漏身心盡故名無餘依
猶有變化似有漏相身心在故名有
餘依悲智無斷所證得故亦名無住
大涅槃界涅槃即是真如體上障永
滅義由無漏慧簡擇諦理斷諸雜染
而證得故亦名擇滅如是擇滅於真
如上假施設有無別實物至究竟位
說名涅槃無所趣故無臭穢故離編
織故離稠林故名為涅槃聲聞獨覺

佛地經論第五卷 第四張 佛字

有所知障習氣未滅云何證得究竟
涅槃所知障習是無知故非染汙故
障菩提果不障涅槃非煩惱故不能
潤生若無願力迴心趣大至無學位
盡其壽量必永寂滅
經曰如圓鏡中大影可得所謂大地
大山大樹大宮舍影而是圓鏡不等
彼量如是如來圓鏡智上從極喜地
乃至佛地智影可得及與一切世出
世法智影可得而圓鏡智非彼分量
論曰若圓鏡智能起智影應同彼量
老別可得釋此難言如圓鏡中大影
可得謂大地等如世圓鏡雖能為緣
起地等影而是圓鏡不等彼量一小
鏡中眾多山等大影可得一大鏡中
眾多石等小影可得雖有形身而不
同影大小數量鏡智亦亦雖起諸地
世出世間諸智影像無形身故而不
同彼一切智影大小數量由是因緣
諸佛鏡智名大智截世出世間智根
本故如說世尊成大智截鏡智能生
一切智故應知此中以智名說一切
功德由是鏡智相應淨識具足一切

佛地經論第五卷 第五張 佛字

自利利他功德種子能為因緣生自
身中智等影像為增上緣生他身中
智等影像由此鏡智能變現身生智
說法展轉生他智等影故或悲願力
熏修所成任運為他智等善法增上
緣故令他身中智等善法易得生長
是故經言一切眾生所有善法及殊
勝果皆是如來慈悲願力增上所起
經曰又如圓鏡非處障質影像起緣
如是如來大圓鏡智非惡友攝聞不
正法障身眾生智影起緣彼非器故
論曰若圓鏡智為令三乘得出離故
生諸智影又悲願力熏修所成為增
上緣生世出世諸智影者云何世間
諸外道等正智不生能生因緣常和
合故諸外道等應無顛倒釋此難言
又如圓鏡非處障質影像緣等如世
圓鏡雖能為緣現諸影像而非處在
壁障等質影像起緣如來鏡智亦復
如是雖能為緣生智影像而非處在
惡知識攝愛樂聽聞邪法障者智影
生緣以彼非是可加被器聞正法器
是故外道聖道不生常懷顛倒善法

種子被損伏故惡法種子遇生緣故一切衆生無始時來習善時少造惡時多是故善法雖遇強緣亦難生長惡法雖遇少小外緣則便熾盛

經曰又如圓鏡非處闇質影像起緣如是如來大圓鏡智非處樂惡愚昧衆生智影起緣彼非器故

論曰如外緣障智影不生如是內緣宿習樂惡無明闇障智影不起諸樂惡者雖貪瞋等一切煩惱悉皆熾盛而癡偏重以不了知善惡因果勝劣事故世間現有諸佛正法利益安樂一切衆生三寶良田生長一切世出世間无量福聚不欲聽受不樂歸依而反聽受無利無樂外道邪法歸依生長能感衆苦無量惡業種種邪神豈非无明癡闇障力是故障善無明取重當勤修習智慧光明无明重者非善器故

經曰又如圓鏡非處遠質影像起緣如是如來大圓鏡智非處不淨感匱法業不信衆生智影起緣彼非器故論曰如是內外二緣障力智影不生

一由先世感匱法業令於多時不聞正法謂於前生誹毀正法由此業障經無量劫不聞佛法即此不聞諸佛正法是彼業果障彼智影令不得生不聞正法其體是無云何得名謗正法果云何能障可生智影不即說彼不聞正法為果為障然說由彼感匱法業所得不能聽受正法不具根等愚鈍身心為果為障二由不信謂无種性無涅槃法不樂涅槃无有出世聖道種子於證真如有畢竟障聞出世法都不信受畢竟不得三乘涅槃如是是一切身心相續不清淨故非聖法器暫時畢竟不生出世功德智影如濁穢水不能發生月等影像鏡智亦不於彼不能生智影像

如是略說大圓鏡智有九種相勝所餘智謂訓詞相无分別相障清淨相依止因緣生智影相無有我无攝受相不忘一切所知境相遍處恒時生智影相能生一切智根本相於非法器不能生相此有三種非聖法器一者親近不善知識聞不正法暫時

有障非聖法器二者煩惱癡障所障非聖法器三者極重業障所障及无出世聖道種子久時畢竟非聖法器如是三種總名第九於非法器不能生相

經曰復次妙生平等性智者由十種相圓滿成就

論曰平等性智由十種相圓滿成就應知即是十地修果一一地中略說各證一平等性修習圓滿成就佛地平等性智是故說言平等性智由十種相圓滿成就若廣說者一一地中各證無量平等法性修習圓滿成就佛地平等性智

經曰證得諸相增上喜愛平等法性圓滿成故

論曰諸相者謂諸大士相及諸隨好相差別故皆名為相如是諸相遠離遍計所執自性說名平等故契經言諸大士相如來即說以為非相是故說名諸大士相增上者謂富貴自在色等諸蘊各別皆非富貴自在和合亦非富貴自在即別性故諸法合時

佛地經論第五卷 第九

不捨自性離此无實補特伽羅是故一切富貴自在遠離遍計所執自性說名平等故契經言世尊我今解了一切以無我故无貧無富喜愛者謂所有喜愛由遍計力於順彼法發生歡喜於違彼法發生憂感遍計所執諸法無故於彼一切遍計所執喜愛亦无說名平等達解如是所說諸相增上喜愛平等法性故名證得初地菩薩最初證得後後地中漸漸方便修令增長最後佛地圓滿成就從此已後更无增長由此證得圓滿成就故平等性智圓滿成就應知此中圓滿成故於第三處說第五轉一切應說由圓滿成義類相似言詞便故作如是說

經曰證得一切領受緣起平等法性圓滿成故

論曰緣起有二謂內及外內緣起者謂無明等十二有支外緣起者謂種種等一切外物內者應以雜染清淨二分相順逆觀察外者應以此有故彼有此生故彼生行相觀察謂種

佛地經論第五卷 第十張 傳字

等有故種等生故等得有芽等得生此二緣起一切皆由因有故果有因生故果生无作用義是緣起義空無我義无補特伽羅義是緣起義如是等義緣起自相是所領受故名領受或假有情能領受故名為領受緣起諸法是所領受如是一切領受緣起無作用故空无我故無補特伽羅故遠離遍計所執自性說名平等達解如是所說一切領受緣起平等法性故名證得由此證得如前修習圓滿成故平等性智圓滿成就如是緣起平等法性即一切法平等法性如說梵志一切法性即是緣生緣起法性悟解此故名為菩提如佛所見一切法性如此即是緣起法性又契經言不見少法離緣起性此中緣起平等法性名緣起性依此密意說如是言若見緣起即見法性若見法性即見諸佛緣起實性即勝義法勝義佛故平等法性於一切處皆無差別故作是說

經曰證得遠離異相非相平等法性

佛地經論第五卷 第十一張 傳字

圓滿成故

論曰色等諸法變壞等相不相似故名為異相遠離如是各別異相即是共相如是共相以何為相非相為相如契經言一切法性唯有一相所謂非相非相即是平等法性達解如是遍計所執一切法性畢竟永無平等法性故名證得由此證得如前修習圓滿成故平等性智圓滿成就復有義者遠離異相即无有相遠離非相即无无相無有无無名平等性餘如前說

經曰引濟大慈平等法性圓滿成故論曰慈有三種一有情緣二者法緣三者無緣初發心位諸菩薩等多分修習有情緣慈多是有漏以世俗有情境界故修正行位諸菩薩等多分修習法緣之慈亦多有漏大乘教法為境界故得無生忍諸菩薩等多分修習无緣之慈雖有所緣法界故譬如眼等異熟諸法無有分別不作加行任運轉故說名无緣平等性智相應大慈或有義者惟緣法界所緣

分別永無有故不緣有情及諸法故名无緣慈復有義者亦緣諸法如實義者亦緣有情但無分別平等行相了知一切假立有情性平等故緣生等法性平等故无我真如性平等故名平等智此智相應就所緣境得具三慈但無分別平等行故說名无緣如來地中平等性智相應大慈衆相成滿恒常現行如來既有無緣大慈餘二不說自然成就如來由此三種慈故平等救濟一切有情非但於彼少分與樂普於一切有情諸法无我真如平等性轉恒常現行救度一切故名大慈非如聲聞及異生等暫時少分與樂行轉不能救度一切有情以勝一切聲聞等故救度一切諸有情故長時積集福慧資糧所成滿故說名引濟如是所說引濟大慈遍一切處無差別轉故名平等即此平等說名法性或即所說引濟大慈平等法性為所緣故就境說名平等法性由此大慈如前修習圓滿成故平等性智圓滿成就

經曰無待大悲平等法性圓滿成故論曰聲聞等悲不能拔濟一切有情惟緣欲界分少行相暫時而轉如來大悲普能拔濟一切有情通緣三界遍滿行相恒時而轉言无待者無所觀待恒救不捨謂无所待隨其所應拔濟三苦所苦有情恒轉不捨猶如長者怜愛一子於諸有情平等而轉以有情界無邊際故成熟有情時无暫廢成熟有情曾不過時如來常與大悲相應不可說言暫起暫轉如經言善男子不應說言諸佛世尊所有大悲於諸有情暫起暫轉何以故恒常轉故諸佛世尊乃至大悲無根未立終不證得无上菩提如來證得大菩提已恒作是念我當安立一切有情諸善根本若有未悟一切法者我當開悟如來如是於諸有情常起大悲乃至廣說如契經說如來晝夜恒於六時觀察世間云何今言大悲恒轉此說作用六時相續恒無間斷故不相違大慈大悲无瞋不害無癡善根以為自性與樂拔苦行相有異俱

有三種有情緣等慈是无瞋悲是不害慈緣無樂欲與其樂悲緣有苦欲拔其苦无待大悲無差別轉故名平等此即法性或緣平等法性為境由此大悲如前修習圓滿成故平等性智圓滿成就
經曰隨諸衆生所樂示現平等法性圓滿成故
論曰隨諸有情樂見如來色身老別如來示現如是色身如來雖居无礙論位由平等智增上力故大圓鏡智相應淨識現琉璃等微妙色身令諸有情善根成熟自心變似如是身相謂自心外見如來身如契經言由諸如來慈善根力有所示現今天人等自心變異見如來身如金色等又如經言若所應化無量有情宜見琉璃末尼寶色如來即能无碍示現種種琉璃末尼寶色令彼自心亦如是變乃至廣說如是示現一切如來形相平等如是平等即是法性是故說名平等法性謂諸如來隨同所化有情樂見色身形相即各示現同處同時

佛地經論第五卷 第十五張 佛字

同類形相令彼自心如變現作利樂事如諸有情阿賴耶識共相種熟各各變現世界等相同處相似不相妨身此亦如是如色身相餘事亦由此示現如前修習圓滿成就故平等性智圓滿成就

經曰一切衆生敬受所說平等法性圓滿成就

論曰若有如是種類語業能令有情善根成熟聞生歡喜得淨信樂如來便現如是語業令彼得聞如來雖無戲論分別由悲願力如是示現所化有情自勝解力如是變異謂自心外聞佛音聲如來所出一切語言稱機宜故諸人天等皆無違逆故名敬受若不稱機則不示現故說諸佛語不唐捐雖有衆生不順佛語此是化作或當有益後必信受就撻為語故言一切敬受所說如是語言由前道理諸佛同現故名平等如是平等即名法性由此示現如前修習圓滿成就平等性智圓滿成就

圓滿成就

佛地經論第五卷 第六張 佛字

論曰有漏五蘊說名世間念念對治二種壞故即彼息滅名為寂靜由此於此而寂靜故即是聖道及以涅槃依他起性世間寂靜同歸真如圓成實性故名一味又世間者遍計所執此本性無說名寂靜如是寂靜所顯真如無差別故名一味此即名為平等法性由此一味如前修習圓滿成就故平等性智圓滿成就

經曰世間諸法苦樂一味平等法性圓滿成就

論曰世間諸法略有八種一利二衰三毀四譽五稱六譏七苦八樂得可意事名利失可意事名衰不現誹撥名毀不現讚美名譽現前讚美名稱現前誹撥名譏逼惱身心名苦適悅身心名樂如是八種撻有二品四連名苦四順名樂生欣感故或復此中略說最後苦樂一對聖者居中恒常一味得利不高遇衰不下如是乃至樂而无愛苦而无恚如契經言聖處世間平等一味猶如虛空凡愚在世

佛地經論第五卷 第十七張 佛字

計有差別由彼遠離遍計所執世間八法於一切處皆同一味即此說名平等法性由此一味如前修習圓滿成就故平等性智圓滿成就

圓滿成就

論曰功德即是菩提分等諸功德法熏種長養成熟解脫說名修殖平等性智雖無分別由佛菩薩智增上力如如意珠令異身中功德生長成熟解脫言究竟者能得三乘般涅槃故既令解脫令得世樂不說自成如是智名平等法性遠離遍計所執性故或諸菩薩修殖無量菩提分等殊勝功德乃至究竟即此名為平等法性由此功德如前修習圓滿成就故平等性智圓滿成就

經曰復次妙生妙觀察智者

論曰依十種因應知分別妙觀察智十種因者一建立因二生起因三歡喜因四分別因五受用因六趣差別因七界差別因八雨大法雨因九降伏怨敵因十斷一切疑因

經曰辭如世界持衆生界如是如來妙觀察智任持一切陀羅尼門三摩地門无尋辯說諸佛妙法

論曰此中顯示建立因相辭如世界持衆生界者如諸有情自心所變下風輪等諸世界相能持自心所變眼等諸有情界如是如來妙觀察智能持一切陀羅尼門廣說乃至諸佛妙法與彼相應及能引故陀羅尼者增上念慧能任持无量佛法令不忘失於一法中持一切法於一文中持一切文於一義中持一切義攝藏无量諸功德故名無盡藏此陀羅尼略有四種一法陀羅尼二義陀羅尼三呪陀羅尼四能得菩薩忍陀羅尼如瑜伽論廣說其相云何唯於一法等中普能任持一切法等謂佛菩薩增上念慧不思議力自心相分一法相中現一切法文義亦尔又能示現無量无盡功德法門見分自體亦具無邊勝功能故任持一切令不忘失如是念慧不思議力名陀羅尼三摩地者謂增上定即健行等諸三摩地能

勝一切世出世間諸三摩地餘不能勝故名健行又佛菩薩健士所行故名健行惟第十地菩薩及佛得此定故餘三摩地隨經所說應釋其名即陀羅尼及三摩地俱說名門如空無願无相三門以能通生無量同類異類德故无尋辯說即四無尋法義詞辯由此四種能為衆生辯說妙法故名辯說諸佛妙法即是如來力無畏等无量佛法一切之言一一應說妙觀察智轉意識得作用寬廣故能任持一切功德此智相應第六意識普與一切功德相應及能引發諸功德故說能任持

經曰又如世界是諸衆生頌起一切種種無量相識因緣如是如來妙觀察智能為頌起一切所知无尋妙智種種無量相識因緣
論曰此中顯示生起因相妙觀察智能作頌起一切所知相識因故世界即是諸器世間如器世間能為衆生種種地上無量空中相識生因如是如來妙觀察智一時頌於一切境界

猶如虛空能了無尋能為一切種種世間无量出世所緣境界相識生因此義意言一切如來妙觀察智能頌了知一切境界似所知境有衆多相如綵畫色有種種相見分智體能為如是相識生因此能現彼說為生因非親生因從種生故此即緣因說名因緣由見起相或體起用雖无異體由不一故亦得為因如從相分生見分等此亦如是

經曰又如世界種種可玩園林池等之所莊嚴甚可愛樂如是如來妙觀察智種種可玩波羅蜜多菩提分法十力無畏不共佛法之所莊嚴甚可愛樂
論曰此中顯示歡喜因相如器世間種種可玩園林池等綺飾間列威光熾盛令諸有情歡喜愛樂如是如來妙觀察智種種可玩波羅蜜多菩提分等綺飾間列威光熾盛令諸菩薩歡喜愛樂波羅蜜多略有六種謂布施等或開為十更足方便善巧等四或復開為八万四千如經廣說若別

佛地經論卷第五 第三十二張 佛字

分別其數无量菩提分法略三十七廣亦無量言十力者謂處非處智力等如來身中慧根所攝及具知根言無畏者謂四无畏五根所攝及具知根即信等五不共佛法有十八種如經廣說如是功德多分此智所攝相應及能引發是故一切莊嚴此智經曰又如世界洲渚日月四天王天三十三天及夜摩天覩史多天樂變化天他化自在天梵身天等妙飾間列如是如來妙觀察智世及出世表盛因果聲聞獨覺菩薩圓證無餘觀察妙飾間列

論曰此中顯示分別因相如器世間無量洲等妙飾間列不相雜亂洲謂四大洲則瞻部洲等渚謂八小渚則遮未囉等略舉日月攝諸星宿四天王天謂妙高山第四層級四面各住三十三天謂此山頂四面各有八大天王帝釋居中故有此數夜摩天者謂此天中隨時受樂故名時分觀史多天後身菩薩於中教化多修善足故名喜足樂變化天樂自變化作諸

佛地經論卷第五 第三十三張 佛字

樂具以自娛樂他化自在樂令他化作諸樂具顯已自在梵身天者雖欲寂靜故名為梵身者眾也等等者取此上諸天如是如來妙觀察智普能觀察世及出世表盛因果三乘圓證妙飾間列不相雜亂惡趣因果名世間表善趣因果名世間盛又世間壞及世間成如其次第名為衰盛又檢減名衰增長名盛二乘因果名出世衰大乘因果名出世盛又退名衰進名為盛言圓證者即是果位前三乘名顯其因位又圓證者唯說佛果妙觀察智觀此諸法法相異故智如其境行相不雜分明顯現是故說名妙飾間列

佛地經論卷第五

佛地經論卷第五

校勘記

- 一 底本，金藏廣勝寺本。
- 一 三九頁下九行首字「及」，徑作「又」。
- 一 三九頁下一七行第一三字「各」，資、磧、普、南、徑、清作「名」。
- 一 四〇頁上一二行末字「位」，資、磧、普、南、徑、清作「住」。
- 一 四一頁上六行第一〇字「處」，徑作「樂處」。
- 一 四一頁上一三行「衆生」，石作「有情」。
- 一 四一頁上一八行第二字「重」，磧、普、南、徑、清作「熏」。
- 一 四一頁中二行第八字「毀」，石作「謗」。
- 一 四一頁中一九行第二字「止」，資、磧、普、南、徑、清作「上」。
- 一 四二頁上八行「說名」，石作「故說」。
- 一 四二頁上一五行第四字「故」，資、磧、普、南、徑、清、麗無。

- 一 四二頁下九行第一三字「復」，**磧**、**南**作「無」。
- 一 四二頁下一〇行、末行及次頁上二行「義者」，**石**、**資**、**磧**、**普**、**南**、**徑**、**清**作「說者」。
- 一 四二頁下一一行第九字「名」，**資**、**磧**、**普**、**南**、**徑**、**清**作「明」。
- 一 四二頁下一七行首字「情」，**石**作「情爲」；**資**、**磧**、**普**、**南**、**徑**、**清**、**麗**作「爲」。
- 一 四三頁中三行「分少」，**石**、**麗**作「少分」。
- 一 四三頁中七行第四字「苦」，**石**作「界」。
- 一 四三頁下一三行第一〇字「似」，**磧**、**普**、**南**、**徑**、**清**作「以」。
- 一 四四頁下一四行第一一字「分」，**資**、**磧**、**普**、**南**、**徑**、**清**作「分法」。
- 一 四五頁中七行第二字「德」，**資**、**磧**、**普**、**南**、**徑**、**清**作「得」。
- 一 四五頁中九行第一二字「力」，**資**、**磧**、**普**、**南**作「是」。

- 一 四五頁下一行首字「猶」，**徑**作「譬」。
- 一 四六頁上一六行第七字「洲」，**石**無。
- 一 四六頁上一七行第二字「未」，諸本作「未」。



越城縣廣勝寺

佛地經論卷第六

傳

親光菩薩等造

大唐三藏法師玄奘奉詔譯

經曰又如世界為諸眾生廣大受用如是如來妙觀察智示現一切諸佛眾會雨大法雨為令眾生受大法樂論曰此中顯示受用因相如器世間隨有情業增上力故阿賴耶識共相種子變生種種共相資具為令有情廣大受用如是如來妙觀察智助平等智為增上緣擊發鏡智相應淨識現受用身種種眾會威德熾盛雨大法雨為令地上諸大菩薩受大法樂亦助如來成所作智為增上緣擊發鏡智相應淨識現變化身種種眾會威德熾盛雨正法雨為令地前所化有情受用法樂

經曰如世界中五趣可得所謂地獄餓鬼傍生人趣天趣如是如來觀察智上無邊因果五趣差別具足顯現論曰此中顯示趣差別因相如世界中隨有情業增上力故阿賴耶識不

佛地經論卷第六 第三張 傳字等

共相種變生種種五趣因果差別可得如是如來妙觀察智五趣因果為境界故似其五趣因果二相差別顯現非生五趣諸阿素洛種類不定或天或鬼或復傍生故不別說五趣因者謂中有身以與五趣為方便故趣是所趣中有能趣故非趣攝就生類別建立四生是故中有亦生所攝有義中有趣方便故說在趣中此言因者業煩惱等果即五趣

經曰如世界中欲色無色諸界可得如是如來觀察智上無邊因果三界差別具足顯現

論曰此中顯示界差別因相如世界中隨有情業增上力故阿賴耶識共不共相種子變生三界因果差別可得此中世界通情非情謂有情世界及器世界若不尔者不應於中有无色界以彼惟有定所生色無業生色无方處故於世界中隨其所應建立三界謂器世界中但有欲色情非情界有情界中具有三種惟有情界以器世界通持有情及非情界有情世

界惟能任持有情界故如是如來妙
觀察智三界因果為境界故似其三
界因果二相差別顯現非生三界因
果同前二種分別此中意說妙觀察
智普能觀察一切境故遍似一切諸
界趣生煩惱業等所感諸行成熟所
攝心心法等因果相現謂諸如來大
圓鏡智增上所生妙觀察智雖无所
取能取執著遠離一切煩惱所知二
垢障故觀察一切因果等事及能說
故如淨圓鏡現眾影像一切境相皆
現其中然無鏡智无差別過大圓鏡
智以於一切皆不愚故雖能顯現一
切影像任運轉故而无分別此智能
現一切境相亦有分別若无分別則
不能觀因果等事及為眾會說法斷
疑此文定證无漏心等亦有相分如
來智上五趣三界無邊因果具足現
故有說如來智明淨故一切境相雖
現其中而此境相非智所變不清淨
故但是眾生心等所變諸法影像此
不應理如是影像若是眾生心等所
變云何在佛智上顯現不可他因生

他心相違正理故如餘心相此亦應
尔然此境相如來無漏心所變現如
明鏡中真穢影像雖似不淨實非不
淨心及心法緣境法尔若緣他境非
如鈷燈無動作故但如明鏡性本淨
故變似境相而能緣慮若諸境相非
心上現彼雖有力生心心所如五根
等不名所緣如餘處說无分別智亦
定尔耶所緣真如不離智體不可定
尔後得俗智雖不離真如有分別故不
證真體但自變作真相而緣故不可
難如諸異生心緣无漏心上所有無
漏境相雖似無漏實是有漏此亦應
尔惟識道理決定如是心所變相雖
相似有而實无體若不尔者應有色
等如心心法不成惟識若彼實有但
不離識名惟識者心及心法亦不離
彼色等諸相應名惟境便成大過
經曰如世界中蘊迷廬等大寶山王
顯現可得如是如來觀察智上諸佛
菩薩威神所引廣大甚深教法可得
論曰此中顯示雨大法雨因相如器
世間由諸眾生菜增上力起諸寶山

如是如來妙觀察智由諸有情感正
法業增上力故起佛菩薩威神所引
深大教法此教開示諸佛菩薩自在
威神亦能引發彼威神力是故說名
諸佛菩薩威神所引此說如來妙觀
察智能發鏡智相應識上教法影像
或自能現教法影像由此為緣善根
成熟所化有情自心變現
經曰如世界中廣大甚深不可傾動
大海可得如是如來觀察智上一切
天魔外道異論所不傾動甚深法界
教法可得
論曰此中顯示降伏怨敵因相如器
世間由諸眾生菜增上力起諸大海
不可傾動如是如來妙觀察智由諸
有情感正法業增上力故起法界教
不可傾動法界則是空无相理說法
界理名法界教諸外道等皆依諸見
法界空理對治諸見離諸見起是故
空教彼不能測不能傾動前威神教
威神高廣故喻寶山此法界教法界
甚深故喻大海妙觀察智是能顯照
一切境因故能起說一切法教略說

佛地經論卷六 第六張 佛字

勝者是故契經說佛世尊名大智曰
普能照了一切法故

經曰又如世界大小輪山之所圍繞
如是如來妙觀察智不愚一切自相
共相之所圍繞

論曰此中顯示斷一切疑因相如器
世界一妙高山七大金山八大海水
四大洲等摠於其外有小輪山周而
圍繞如是為一積數至千復摠於外
有次輪山周而圍繞名小千界如是
為一復數至千更摠於外有次輪山
周而圍繞名中千界如是為一復數
至千摠於其外有大輪山周而圍繞
有大風輪摠持其下名一三千大千
世界如是名為大小輪山之所圍繞
如是如來妙觀察智遍知一切自相
共相能斷世間一切疑惑自共相愚
是疑惑因知自共相無此愚故自无
疑惑能斷他疑大圓鏡智永離二障
不愚一切自相共相能生此智攝護
此智故名圍繞鏡智雖能知一切法
自相共相無分別故不能為他說法
斷疑此智能知有分別故能為一切

佛地經論卷六 第六張 佛字

說法斷疑又此智體能知諸法自相
共相二種行相之所圍繞自相行相
如小輪山共相行相如大輪山鏡智
能持如風持下如來淨智現量所攝
云何能知諸法共相若共相境現量
所知云何二量依二相立有義二量
在散心位依二相立不說定位若在
定心緣一切相皆現量攝有義定心
唯緣自相然由共相方便所引緣諸
共相所顯理者就方便說名知共相
不如是者名知自相由此道理或說
真如名空無我諸法共相或說真如
二空所顯非是共相如實義者彼因
明論立自共相與此少異彼說一切
法上實義皆名自相以諸法上自相
共相各附已體不共他故若分別心
立一種類能詮所詮通在諸法如縷
貫花名為共相此要散心分別假立
是比量境一切定心離此分別皆名
現量雖緣諸法苦无常等亦一一法
各別有故名為自相真如雖是共相
所顯以是諸法自實性故自有相故
亦非共相不可以其為一切法不一

佛地經論卷六 第八張 佛字

不異即名共相自相亦與一切共相
不一異故是故彼論說諸法上所有
實義皆名自相此經不尔故無相違
經曰復次妙生成所作智者
論曰成所作智應知成立如來化身
此復三種一者身化二者語化三者
意化第一身化復有三種一現神通
化二現受生化三現業果化第二語
化亦有三種一慶慰語化二方便語
化三辯揚語化第三意化復有四種
一決擇意化二造作意化三發起意
化四受領意化成所作智能起如是
三業化用此化三業即是化身應知
此中以用顯體非此三業即是智體
但是智上所現相分成所作智增上
緣力擊發鏡智相應淨識今現如是
三業化用自亦能現當知四智一一
能起一切作用就強多分說平等智
起受用身成所作智起變化身妙觀
察智觀察一切自相共相隨羅互門
三摩地等大圓鏡智能現一切諸法
影像如一一根取一切境非無強用
此亦如是此中經文定證三業心

法等皆有變化如來智上現此應相
心心法等一切功德令諸下位能現
了知若不尔者二乘異生云何能知
如來所有心心法等功德差別云何
如來久已成佛復能現作具貪瞋等
種種化身餘經亦說化無量類皆令
有心又說化身亦名有心亦名无心
有依他心無自依心故謂化心等依
實心現但實心上相分似有緣慮等
用如鏡中火无別自體隨眾緣生如
餘心等餘處雖說無化心等以无實
用如實心等變化色等有實作用如
實色等故偏說有由化心等應相顯
現易了知故乃至獲猴知如來心若
佛實心諸大菩薩亦不能了
經曰如諸眾生勤勵身業由是眾生
趣求種種徇利務農勤王等事如是
如來成所作智勤身化業由是如來
示現種種工巧等處摧伏諸伎傲慢
眾生以是善巧方便力故引諸眾生
令入聖教成熟解脫
論曰此中顯示現神通化化身業相
令心勇悍故名勤勵於善性中兼取

精進餘但作意由此發起勤勵身業
就因為名由此身業世間有情作三
正事等者等取其餘雜事成所作智
精進相應起化身業由此化業為菩
薩時示現種種陶師等類工巧等處
此是智上身業相現為欲摧伏伎術
傲慢故現斯事善巧方便即是悲慧
平等運道先現神通初令生信故名
引生令入聖教如現神通度迦葉等
次令調順有所堪能故名成熟引令
長養諸善根故後令解脫三界惡趣
有性無性如其次第故名解脫由教
化力有種性者令生聖道解脫三界
无種性者令修世善常生善趣念彼
善根為說正法令脫三界放光息苦
安立善趣又令彼生聞思修慧次第
三句又令彼生順解脫分順決擇分
及生聖道次第三句又令彼入見道
修道及無學道次第三句如是等釋
應隨相說後亦如是
經曰又如眾生受用身業由是眾生
受用種種色等境界如是如來成所
作智受身化業由是如來往諸眾生

種種生處示同類生而居尊位由其
示現同類生故攝伏一切異類眾生
以是善巧方便力故引諸眾生令入
聖教成熟解脫
論曰此中顯示現受生化化身業相
世間有情於諸生處諸根領納色等
境界故名受用身有運轉故名身業
成所作智一切生處同時現生受用
境界謂現化身於天人中一切生處
示同類生居刹帝利婆羅門種伏諸
下類令得利樂此亦智上身業相現
或擊鏡智或自顯現餘例應尔
經曰又如眾生領受身業由是眾生
領受所作善惡業果如是如來成所
作智領身化業由是如來示現領受
本事本生難修諸行以是善巧方便
力故引諸眾生令入聖教成熟解脫
論曰此中顯示現業果化化身業相
身即是業故名身業先業果故果說
因名或身領受先業果時有運轉用
故名身業由此身業領受先業愛非
愛果成所作智現似化身領受化業
由此業故示受一切本事本生難修

佛地經論第六卷 第三十三張 佛字號

諸行先世相應所有餘事名為本事
 先世所受生類老別名為本生如毗
 濕飯怛囉等一切本生事依此本生
 先所修行種種苦行名難修行或於
 今世依變化身先修苦行後捨彼行
 修慶中行方得菩提名難修行謂諸
 衆生計修苦行止惡起善方得菩提
 為化彼故先示同彼修諸苦行為顯
 非但持戒得淨要由定慧方得淨故
 現捨苦行修慶中行方得菩提有契
 經說如來先世迦葉佛時作是罵言
 何處沙門剃鬚髮者有大菩提无上
 菩提極難得故由彼惡業今受如是
 難行苦果此言亦是為止惡行現化
 所作若不尔者何有繫屬一生菩薩
 已曾親事無量如來殖諸善本性憶
 宿命更起如是重語惡行當知此言
 為欲化度宜聞此言而得度者令於
 佛所離此言故

佛地經論第六卷 第三十三張 佛字號

尚信以是善巧方便力故引諸衆生
 令入聖教成熟解脫
 論曰此中顯示慶慰語化化語業相
 慶慰即是喜悅老別語能生彼故名
 慶慰間此語言展轉發生大歡喜故
 謂諸有情由發語心增上力故各別
 識上語業相現為增上緣令餘識變
 似語業相各謂聞他語言生喜成所
 作智化作語業應知亦尔自現妙音
 令他心變謂聞佛語生歡喜故隨所
 樂法者隨彼因力所應樂聞人天三
 乘諸老別法文巧妙者字句顯美令
 樂聞故義巧妙者理趣分明易解了
 故小智衆生初聞尚信者謂佛言音
 具六十德諸凡愚慧暫時得聞尚生
 信解何況其餘聰慧者慧成所作智
 名慶慰者能現化語宣說一切巧妙
 文義生諸有情歡喜心故亦能加被
 善現等輩以佛言音宣說甚深難測
 量法如是此智能加被他一切論者
 一切色類乃至虛空亦能發起化語
 說法當知此事不可思議
 經曰又如衆生方便語業由是衆生

佛地經論第六卷 第三十三張 佛字號

展轉拍授務專所作毀惡讚善更相
 名命如是如來成所作智所起方便
 語變化業由是如來立正學慶毀諸
 放逸讚不放逸又復建立隨信行人
 隨法行等以是善巧方便力故引諸
 衆生令入聖教成熟解脫
 論曰此中顯示方便語化化語業相
 如諸世間方便語業更相教示諸所
 應作不應作事利益親友放逸衆生
 如行起作故名方便如是如來由大
 悲故為諸有情安立學慶令伏諸惡
 修世間善安立聖道分位老別令入
 正道出離三界成所作智能發化語
 成辦斯事謂息諸惡發起諸善是此
 語用
 經曰又如衆生辯揚語業由是衆生
 展轉開示所不了義宣諷諸論如是
 如來成所作智辯語化業由是如來
 斷諸衆生无量疑惑以是善巧方便
 力故引諸衆生令入聖教成熟解脫
 論曰此中顯示辯揚語化化語業相
 成所作智隨諸衆生意樂老別現化
 語業說種種義斷諸疑惑謂發一音

表一切義令諸有情隨類獲益如契經言佛以一音演說諸法眾生隨類各得開解或有怖畏或有歡喜或生厭離或復斷疑此是如來本願所引不思議力所發化語一音能斷一切衆疑若作化身亦令衆生一質異見利樂事成

經曰又如衆生決擇意業由是衆生決擇可作及不可作如是如來成所作智決意化業由是如來決擇衆生八万四千心行差別以是善巧方便力故引諸衆生令入聖教成熟解脫論曰此中顯示決擇意化化意業相成所作智相應意業能起化故名化意業此能決擇所化衆生八万四千心行差別或復此智相分中現變化意業似能決擇衆生八万四千心行令彼了知得勝義利云何八万四千心行謂諸有情八万四千諸垢塵勞心行差別此能障身八万四千波羅蜜多陀羅尼門三摩地等如賢劫經廣說其相所謂寂初修習行法波羅蜜多乃至寂後分布佛體波羅蜜多

三百五十一一皆具六到彼岸如是捨有二千一百對治貪瞋癡及等分有情心行八千四百除四大種及六無義所生過失十轉合數八万四千修習此故復得成就八万四千陀羅尼門三摩地等此猶略說廣則无量經曰又如衆生造作意業由是衆生造作種種諸所起業如是如來成所作智造意化業由是如來觀諸衆生所行之行行與不行若得若失為令取捨造作對治以是善巧方便力故引諸衆生令入聖教成熟解脫

論曰此中顯示造作意化化意業相隨所觀察一切有情所行之行若諸惡行不行有得行即有失若諸善行行即有得不行有失如是觀察為欲令彼取得捨失於德造作任持對治於失造作遠離對治成所作智相應意業能起化故名化意業雖諸如來於一切事無有功用而令衆生心等變現似「造作故名造作或復此智相分中現變化意業似能觀察一切有情諸行得失令彼了知得勝義利

經曰又如衆生發起意業由是衆生發起諸業如是如來成所作智發意化業由是如來為欲宣說彼對治故顯彼所樂名句字身以是善巧方便力故引諸衆生令入聖教成熟解脫論曰此中顯示發起意化化意業相成所作智相應意業能發身語二種業故就用說名發起意業或此意業由智發起是故說名發起意業能起化故或智相分現似彼故此化意業為欲宣說彼對治者為說有情諸行對治此所說法名句字身以為自性是故顯示名句字身如來隨彼有情所樂說名身等令起愛樂發生對治是則如來成所作智相分中現變化意業發名身等宣說有情諸行對治由此力故令諸有情自心變似佛所說法深生愛樂發起對治是故說名發起意業

經曰又如衆生受領意業由是衆生受領苦樂如是如來成所作智受意化業由是如來於定不定反問置記為記別故隨其所應受領去來現在

佛地經論第六卷 第十八張 傳字

等義以是善巧方便力故引諸衆生
今入聖教成熟解脫

論曰此中顯示受領意化化意業相
受相應思能動其心今受苦樂是故
說名受領意業成所作智受相應思
能起化故名化意業或相分中現化
意業名化意業於四記問為記別故
隨其所應如實了知一切問已領三
世等无量法義如實了知一一自體
如實知已隨其所應一一記別無有
顛倒言四記者一一向記二分別記
三反問記四默置記一向記者如有
問言一切生者決定滅耶佛法僧寶
良福田耶如是等問應一向記此義
決定分別記者如有問言一切滅者
定更生耶佛法僧寶惟有一耶如是
等問應分別記此義不定反問記者
如有問言菩薩十地為上為下佛法
僧寶為勝為劣如是等問應反問記
汝望何問默置記者如有問言實有
性我為善為惡石女兒色為黑為白
如是等問應默置記不應記故長藏
論故

佛地經論第六卷 第十九張 傳字

應知此中身語化業或自身相應或
他身相應或不相應意化業惟自他
相應由此即釋三種神變謂神通教
誠記說神變此佛化業於一切種恒
時隨逐不可思議作用數量國土差
別不思議故利有情用无休息轉不
思議故一切如來三種化業為欲成
熟有情為先說名第一方便善巧是
故契經說佛世尊名大智藥能除一
切煩惱病故

經曰今時妙生菩薩摩訶薩白佛言
世尊為獨如來於淨法界受用和合
一味事智而諸菩薩亦能如是佛告
妙生菩薩亦能受用和合一味事智
論曰今依受用和合一味事智為問
前辯佛地但說如來清淨法界體惟
一味佛鏡智等於中受用和合一味
無動无作妙生菩薩意疑此事為惟
如來亦通菩薩故作此問或前但說
有五種法攝大覺地清淨法界體惟
一味鏡智依此緣此而生无分別故
亦唯一相平等性智通緣真如離二
分別亦唯一相其餘二智為饒益他

佛地經論第六卷 第二十張 傳字

亦依真如無異分別亦唯一相如是
唯佛受用和合一味事智應不通餘
為欲審定故作此問此中既言於淨
法界受用和合一味事智證知於餘
无有受用和合一味智能受用所應
受用和合一味真如境界故名受用
共同一事故名為和雖同一事或復
離別為顯於中常不離別故復言合
所緣能緣平等平等畢竟和合不離
別故味者堅實即所受用所緣法界
真如一味事謂事用智者即是能受
用智正取鏡智平等性智兼取餘二
多緣真故或一味者能受用智無分
別故事者是果緣淨法界而生起故
或能受用即是捨受无苦無樂平等
一類故名一味事者果也即此相應
圓鏡智等由彼力生故名彼果或是
行捨無功用相於一切處一味而轉
能受用智說名事智或智自能領受已
體故名受用自他二種分別无故說
名一味事者果也從衆因緣遠離二
想恒時轉故菩薩亦能等者此中意
說受用和合一味事智非獨如來若

諸菩薩亦能如是云何但言有五種法攝大覺地此中意說佛地惟是五法所攝不說五法惟攝佛地亦能攝諸菩薩地故

經曰妙生菩薩復白佛言何等菩薩受用和合一味事智佛告妙生證得无生法忍菩薩由彼菩薩無生法中得忍解時對治二想由遣自他二種想故得平等心從此已上彼諸菩薩自他異想不復現前受用和合一味事智

論曰為顯示得大乘無生法忍菩薩或住功用有加行道菩薩未有受用和合一味事智故復問言何等菩薩受用和合一味事智證得无生法忍菩薩謂從初地已上菩薩證得二空所顯真如觀一切法遍計所執本性無生亦无有滅本來寂靜自性涅槃受用和合一味事智非如二乘見道現觀但證生空所顯真如未證法空所顯真理未能現觀諸法平等受用和合一味事智地前菩薩亦未能證未見真如和合一味平等性智未現

行故有義初地已上菩薩復有三種一初發心謂在初地已入見道正性離生真無漏心創現行故二已修行謂上六地已得修道進修行故三不退轉謂上三地修道已滿離諸功用無加行道任運現前一切煩惱畢竟不起念念勝進无退轉故此中唯取八地已上觀一切法本來無生今亦不起得上品忍一向清淨恒起无漏任運而轉由得此故說名證得無生法忍如契經言八地已上諸菩薩衆離法想故无我我所觀一切法非常無常无生無起自他平等乃至廣說由得任運二想對治於一切處得平等心從此已上離二想故離諸功用及加行故一向无漏極清淨故無分別智已得自在任運轉故方得說名受用和合一味事智初地菩薩雖已證得自他平等而有功用加行作意未清淨故而未建立

經曰妙生菩薩復白佛言唯願如來廣說譬喻令諸菩薩悟其深義隨所化緣廣宣流布令諸衆生聞已疾悟

無生法忍

論曰妙生菩薩為令上義因譬喻門明了易見諸菩薩等聞是法已悟甚深義悟无生忍故復請問

經曰佛告妙生譬如三十三天未入雜林終不能於若事若受无我我所和合受用若入雜林即無分別隨意受用由此雜林有如是德能令諸天入此林者天諸果報若事若受无所思惟和合受用如是菩薩若未證得无生法忍終不能得平等之心平等之捨乃與一切聲聞獨覺无有差別有二想故彼不能住受用和合一味事智若已證得無生法忍遣二想故得平等心遂與聲聞獨覺差別由平等心而能住捨受用和合一味事智論曰三十三天有一雜林諸天和合福力所感令諸天衆不在此林宮殿等事苦樂等受勝劣有異有我我所差別受用若在此林若事若受都无勝劣皆同上妙無我我所和合受用能令平等和合受用故名雜林此由諸天各修平等和合福業增上力故

佛地經論第六卷 第二十四張 傳字號

令彼諸天阿賴耶識變現此林同處
 同時同一相狀由此雜林增上力故
 令彼轉識亦同變現雖各受用而謂
 无別如是地前菩薩二乘未證二空
 所顯真如無生法忍有見道斷差別
 執故未離自他差別二想未得无漏
 平等性智相應之心平等受捨或復
 行捨故不能住受用和合一味事智
 有義七地已下菩薩猶有功用有加
 行道猶有微細煩惱現行未清淨故
 未得任運无生法忍妙觀察智相應
 平等若心若捨故不能住受用和合
 一味事智

經曰復次妙生譬如種種大小眾流
 未入大海各別所依異水少水水有
 增減隨其水業所作各異少分依持
 水族生命若入大海無別所依水无
 差別水無限量水无增減所作業一
 廣大依持水族生命如是菩薩若未
 證入如來清淨法界大海各別所依
 異智少智智有增減隨其智業所作
 各異少分眾生成熟善根之所依止
 若已證入如來清淨法界大海無別

佛地經論第六卷 第二十五張 傳字號

所依智无差別智無限量智无增減
 受用和合一味事智无量眾生成熟
 善根之所依止

論曰大眾流者謂瓊伽等四種大河
 小眾流者謂餘小河未入大海各別
 所依者種種地方為所依故異水者
 清濁灰美水差別故少水者望大海
 故水有增減者少雨多雨時差別故
 隨其水業所作各異者種種氣味勢
 力成熟有老別故少分依持水族生
 命者少數少量水族有情所依持故
 若入大海无別所依等者與前所說
 一切相違應知其相廣大依持者此
 依數廣量大而說如是菩薩來證如
 來法界大海者未證諸佛清淨法界
 各別所依者別別如來為所依故異
 智者各別勝解所修成故少智者望
 佛智故智有增減者諸地相望有勝
 劣故及定相望有勝劣故隨其智業
 所作各異者諸菩薩定數量別故所
 作各異隨諸菩薩勝解勢力緣有情
 界能有所作過此不轉是故各異少
 分眾生等者少數少量成熟善根所

依止故由諸菩薩增上力故隨分令
 他善根成熟諸菩薩定望如來定數
 量少故化諸有情利樂亦少若證如
 來法界大海者已證諸佛清淨法界
 無別所依者清淨真如為所依故无
 漏界中不可建立諸佛有異何況菩
 薩智無差別者圓鏡智等皆相似故
 无有自他分別異故智無限量者了
 達無邊所知境故智无增減者等清
 淨故遍知境界无多少故受用和合
 一味事智者平等智等一切所作皆
 相似故無量眾生等者若數若量皆
 无量故福德智慧無盡資糧皆平等
 故由得法身窮生死際一切有情成
 熟善根所依止故

前後二喻有差別者有義前喻說諸
 菩薩未入已入或歡喜地或不動地
 後大海喻說諸菩薩未入已入或不
 動地或如來地有義二喻同說菩薩
 未得已得無生法忍前說菩薩功德
 稠密喻如雜林後說菩薩功德无盡
 喻如大海

佛地經論第六卷 第二十六張 傳

佛地經論卷第六

佛地經論卷第六 第三十一 停

佛地經論卷第六

校勘記

- 一 底本，金藏廣勝寺本。五六頁下
原版漫漶，以麗藏本換。
- 一 四八頁中一九行第三字「傍」，石、
資、磧、普、南、徑、清作「畜」。
- 一 四八頁下一一行第二字「日」，石
作「白」。
- 一 四九頁上四行第四字「二」，資、
磧、普、南、徑、清作「三」。
- 一 四九頁上一九行第三字「說」，資、
磧、普、南、徑、清作「義」。
- 一 四九頁上二二行第四字「如」，資、
磧、普、南、徑、清作「以」。
- 一 四九頁中五行第二字「钻」，資、磧、
普、南、徑、清、麗作「鉗」。
- 一 四九頁中七行第一字「所」，資、
磧、普、南、徑、清作「法」。
- 一 四九頁中一〇行第八字「離」，磧、
普、南、徑、清作「緣」。
- 一 四九頁中一一行第五字「自」，石
- 作「有」。
- 一 四九頁中一一行第一一字「緣」，
磧、普、南、徑、清作「離」。
- 一 四九頁中末行第一一字「起」，資
作「契」。
- 一 四九頁下一九行第一二字「起」，
資、磧、普、南、徑、清、麗作「趣」。
- 一 五〇頁上一四行第一〇字「一」，
磧、南、徑、清作「爲」。
- 一 五〇頁中一一行第六字「知」，磧、
普、南、徑、清作「如」。
- 一 五〇頁中一三行第一一字「義」，
資、磧、普、南、徑、清作「說」。
- 一 五一頁上一九行第一二字「伎」，
石、磧、普、南、徑、清作「技」，下同。
- 一 五一頁中一四行第九字「常」，南、
徑、清作「當」。
- 一 五一頁中一四行第一三字「念」，
資、磧、普、南、徑、清作「令」。
- 一 五一頁中二〇行第五字「後」，資、
磧、普、南、徑、清作「彼」。
- 一 五二頁上一三行第一一字「今」，

- 一 五二頁中一六行第八字「愍」，**石**、**資**、**磧**、**普**、**南**、**徑**、**清**作「敏」。
- 一 五二頁下二一行末字「相」，**普**、**南**、**徑**、**清**作「指」。
- 一 五三頁上一〇行第三字「決」，**資**、**磧**、**普**、**南**、**徑**、**清**作「決擇」。
- 一 五三頁上二二行「行法」，**資**、**磧**、**普**、**南**、**徑**、**清**作「法行」。
- 一 五三頁上末行第一〇字「體」，**資**、**磧**、**普**、**南**、**徑**、**清**作「身」。
- 一 五三頁中二行「二千」，**南**作「三千」。
- 一 五三頁中一七行第八字「德」，**資**、**磧**、**普**、**南**、**徑**、**清**作「得」。
- 一 五三頁中一七行第一一字「任」，**資**、**磧**、**普**、**南**作「住」。
- 一 五三頁下二〇行第二字「日」，**石**作「白」。
- 一 五四頁中六行第二字「不」，**資**、**磧**、**普**、**南**、**徑**、**清**作「不可」。
- 一 五四頁中九行第一三字「除」，**資**、**磧**、**普**、**南**、**徑**、**清**作「療」。
- 一 五四頁下四行第一二字「知」，**資**、**磧**、**普**、**南**、**徑**、**清**作「智」。
- 一 五四頁下五行第九字「智」，**資**、**磧**、**普**、**南**、**徑**、**清**作「事智」。
- 一 五五頁上一二行第五字「示」，**資**、**磧**、**普**、**南**、**徑**、**清**作「未」。
- 一 五五頁上二〇行第三字「但」，**資**、**磧**、**普**、**南**作「俱」。
- 一 五五頁中一行第四字及次頁上九行第二字「義」，**石**、**資**作「說」。
- 一 五五頁中六行「任運」，**資**作「住運」，下同。
- 一 五五頁下一九行第三字「苦」，**麗**作「業」。
- 一 五六頁中二二行末字「少」，**徑**、**清**作「劣」。
- 一 五六頁下三行第四字「化」，**石**作「作」。



佛地經論卷第七

親光菩薩等造

大唐三藏法師玄奘奉詔譯

經曰爾時世尊而說頌曰

論曰當說四頌揔攝上義略顯佛地
淨法界相如來地中一切有為無為
功德皆是清淨法界攝持皆是清淨
法界之相所相能相俱名相故於四
頌中前三頌半別顯其相後半揔結
別顯相中有義此中初半顯示清淨
法界次半顯示大圓鏡智次半顯示
平等性智次半顯示妙觀察智次半
顯示成所作智次半顯示四智所攝
眷屬功德後半顯示五法所成三身
差別復有義者此中顯示清淨法界
有六種相揔攝一切佛地功德謂自
性相因相果相若作業相若相應相
若差別相如其次第初有一頌餘各
半頌
經曰一切法真如 二障清淨相
論曰有義此顯清淨法界謂一切法
空無我性所顯真如永離二障本性

清淨今復離染能為一切善法所依
是故說名清淨法界一切法者謂世
出世有漏无漏蘊界處等真如即是
諸法實性無顛倒性與一切法不一
不異體唯一味隨相分多或說二種
謂生空无我法空無我真如實非空
无我性離分別故絕戲論故但由修
習空無我觀滅障真如我所執而
證得故名空无我或說三種謂善不
善無記真如是此三法真實性故或
說四種謂三界繫不繫真如是此四
法真實性故或說五種謂心真如廣
說乃至无為真如亦是五法真實性
故或說六種謂色真如廣說乃至無
為真如五蘊无為真實性故或說七
種一流轉真如謂一切行無始世來
流轉實性二實相真如謂一切法二
空无我所顯實性三唯識真如謂一
切法唯識實性四安立真如謂有漏
法苦諦實性五邪行真如謂業煩惱
集諦實性六清淨真如謂善无為滅
諦實性七正行真如謂諸有為無漏
善法道諦實性或說八種謂不生不

佛地經論第七卷 第三張 傳字

滅不斷不常不一不異不來不去八
遣相門所顯真如或說九種謂九品
道除九品障所顯真如或說十種謂
於十地除十无明所顯真如即十法
界如攝大乘廣辯名相如是增數乃
至窮盡一切法門皆是真如差別之
相而真如體非一非多分別言說皆
不能辯由離一切虛妄顛倒假名真
如能為一切善法所依假名法界離
損滅謗假名實有離增益謗假名空
無分拈推求諸法虛假極至於此更
不可度唯此是真假名實際是无分
別寂勝聖智所證境界假名勝義如
是廣說言二障者一煩惱障二所知
障惱亂身心令不寂靜名煩惱障覆
所知境无顛倒性令不顯現名所知
障煩惱障者謂執實我薩迦耶見以
為上首百二十八根本煩惱及隨煩
惱若所發業若所得果皆攝在中皆
以煩惱為根本故所知障者謂執遍
計所執諸法薩迦耶見以為上首所
有無明法愛恚等諸心心法及所發
業并所得果皆攝在中皆以法執及

佛地經論第七卷 第三張

无明等為根本故有義法執及無明
等遍在一切善惡无記有漏心品及
與二乘無漏心品皆不了達法无我
故皆似相分見分起故有義唯在不
善無記有漏心品瑜伽師地說諸无
明但有二種一者不善二者無記復
有二種一者染汙二不染汙不言有
善不可非善善心相應性相違故又
善心品必與无癡善根相應癡即無
明不可一心癡无癡並如貪無貪瞋
无瞋等不相應故不可法執不與癡
俱若無无明無倒執故如執有我定
无明俱此亦應尔又諸善心性無迷
執皆信等俱順无我解與二空觀為
前方便不可法執導法空觀我執未
曾見此事故是故有漏無漏善心决
定不與二執無明愛等相應連教理
故一切異熟无記心品亦無法執及
无明等分別力劣不能執故若有倒
執成法我見有无明等阿賴耶識不
應唯與五法相應見無明等慧等攝
故又若此識有法執者无所熏故應
念念失不須對治則成大過煩惱障

佛地經論第七卷 第三張

中無此事故又法空觀初現前時此識
應斷障治相違不俱得故若尔所餘
有漏種子應无所依所修功德應無
熏習无所熏故不可說言熏習鏡智相
應淨識非無記故猶未得故阿賴耶
識既無法執餘轉識中異熟果者亦
應如是性類同故於五識中亦无法
執无有猛利分別用故無推求故攝大
乘說能遍計心唯是意識故知五識
不緣遍計所執自性如無分別无推
求見不能計我故亦不能計度諸法
然由意識計我計法起愛恚等引五
識中非見所攝愛恚等起雖无有見
而有愛恚無明等法二障所攝是故
二執分別推求惟在第六第七意識
若愛恚等非見所攝不推求者亦在
五識諸我執等煩惱障體惟在不善
有覆無記二心中有若法執等所知
障體亦在无覆無記心中二乘无學
亦現行故無學位中無有不善有覆
无記此就二乘名為無覆若望菩薩
是染汙故亦名有覆故所知障亦名
无覆亦名有覆一體二名所望別故

煩惱障中有所知障是所依故必執有法而計我故體雖無二而用有別如一識體取境用多由此熏生一種子體亦有多用起時雖俱而漸次斷聖道勢力有分齊故若所知障就二乘說无覆無記四无記中何無記攝異熟生攝以從異熟識生起故若尔何者非異熟生如增上緣餘所不攝皆此攝故威儀等心不堅執故非普遍故無二障體若善無覆无記心中無法執者云何不能了達法空亦无我執云何不能了達生空此既由與第七識中我執俱故不達生空亦應由與第七識中法執俱故不達法空既似相分見分而起云何不名法執所攝諸佛菩薩无漏智等亦有二分云何非執是故緣生相分見分依他起攝若於此上妄計心外或定性有方名為執故所知障在第七者遍與六識三性心俱非相應品且止廣諍應釋本文清淨相者謂此真如本性清淨二障所覆如淨虛空烟雲等障相似不淨得出世間證真如道漸除二障

所有種子猶如大風吹烟雲等金剛喻定現在前時滅離一切障種子盡得淨法界究竟轉依名清淨相如是已顯前五法中清淨法界有義此顯自性一分法界淨相即六相中自性一分文同前釋
經曰法智彼所緣 自在無盡相
論曰有義此顯大圓鏡智法者即是依他起性緣法鏡智名為法智大圓鏡智亦緣世俗依他起性現彼影故不迷彼故彼所緣者彼謂真如非彼法智雖復隔句義勢相應故无有過法智用彼為所緣故名彼所緣非謂法智是彼所緣大圓鏡智亦緣勝義圓成實性窮生死際內證彼故此說鏡智緣一切法自相共相依他起性圓成實性俱為境故遍計所執但是凡愚妄心所計非聖智境故不說緣如論中說遍計所執惟凡智境圓成實性惟聖智境依他起性亦凡智境亦聖智境遍計所執以无體故非聖所證若尔聖智不知一切彼既是無智何所知若知為有則成顛倒若知

為無則非遍計所執自性心所現無依他起攝真如理无圓成實攝是故聖智雖知有無而不緣彼遍計所執自性為境言自在者大圓鏡智六到彼岸所修成故具十自在妙用无昇無盡相者窮生死際无間無斷相續常故相謂所相或復能相表自體故如是捨顯前五法中大圓鏡智有義此顯自性一分佛果四智即六相中自性一分有為功德法者即是大圓鏡智由對治力轉去一切塵重所依阿賴耶識轉得清淨依他起性遠離一切心慮分別所緣能緣平等平等不可宣說緣生法性不增不減內證行相能現一切諸法影像於一切境普能照了无分別故捨說名法智者即是平等性智由對治力轉去執著眾生及法第七末那轉得清淨依他起性緣鏡智等及淨法界平等平等內證行相故名為智彼所緣者即餘二智由對治力轉去世間分別六識轉得清淨依他起性或出世間或世出世彼後所得緣上真如及法智等

佛地經論第七卷 第十張 佛地經論

依他起性以為境界无執分別似所緣現分別自內所證能證用彼上說真如法智為所緣故名彼所緣如是四智妙用無身故名自在窮生死際常用不息故名无盡大圓鏡智平等性智常无間斷故名無盡妙觀察智成所作智雖有間斷而製作意即能現前數起无窮亦名無盡相謂體相皆從緣生說名清淨依他起性皆无顛倒說名清淨圓成實性皆有內證照境作用似境顯現說名為智如是等義能表自體故名為相

經曰普遍真如智 修習證圓滿

論曰有義此顯平等性智謂初地中初現觀時得此平等无分別智觀真如等一切平等於後諸地漸次修習轉勝轉淨乃至佛地證得圓滿究竟清淨證法界等一切理事皆悉平等如是顯示前五法中平等性智有義此顯六中因相謂初地中无分別智觀初法界見道三心斷見道斷百一十二根本煩惱及隨煩惱并滅見斷不染無明分別法執最極一分顯初

佛地經論第七卷 第十張 佛地經論

法界智種增長從此已後於一切地修道位中无分別智觀餘法界如於彼一切法門聞思修等加行智等方便等位漸次修習如是如是隨其所應漸伏修斷十六煩惱及隨煩惱并隨所應漸滅修斷不滌无明俱生法執所餘諸分顯餘法界智種增長由此為因乃至佛地證得法界四智圓滿

經曰安立眾生二 諸種無盡果

論曰有義此顯妙觀察智謂此妙智能為眾生說妙法等安立眾生利益安樂故名為二即此二種有多品類故名諸種如是二事窮生死際常作不絕故言无盡此即名果是智果故如是顯示前五法中妙觀察智有義此顯六中果相謂淨法界及四妙智皆能安立一切眾生利益安樂令修善因名為利益令得樂果名為安樂又令離惡名為利益令其攝善名為安樂又拔其苦名為利益施與其樂名為安樂此世他世出世等應知亦余品類眾多故名諸種窮未來際

佛地經論第七卷 第十張 佛地經論

故名無盡如是二事諸種無盡是淨法界及四智果由此起故

經曰身語及心化 善巧方便業

論曰有義此顯成所作智謂智能起身語心化稱順機宜故名善巧加行不絕故名方便此即名業或復此智善巧方便能起身語心三化業如是顯示前五法中成所作智有義此顯六中業相謂淨法界及四妙智能起身語心三化業及與善巧并方便業成所作智起身語心三種化業妙觀察智起善巧業觀機宜等極巧便故其餘二智及淨法界起方便業以能任運與一切業為方便故身化三種一自身相應謂化自身為輪王等種種形類及現種種諸本生事二他身相應謂化魔王為佛身等變舍利子為天女等寄他身上示現種種變化形類三非身相應謂現大地為七寶等或現無量佛化身等或放光明照无邊界如是等類離自他身別現化作情非情色種種形類動地放光風香等事皆為利樂諸有情故一切皆

名佛化身業如是語化亦有三種一自身相應謂佛自身化現梵音遍告无邊諸世界等種種語業二他身相應謂令聲聞大弟子等以佛梵音宣說大乘甚深法等是故聲聞諸菩薩等說非已分甚深妙法皆是如來變化所作非彼自力三非身相應謂化山海草木等類乃至虛空亦出音聲說大法等如是皆名變化語業心化惟二一自身相應謂自心上化現種種心及心法影像差別二他身相應謂令他心亦現種種心及心法影像差別此並相分似見分現有義定力能令自心解非分法名化自心加被有情令愚昧者解深細法令失念者得正憶念名化他心然心无化無形質故如論說言心无形故不可變化又說化身无心心法此就二乘及諸異生定力而說彼定力劣不能化現无形質法諸佛菩薩不思議定皆能化現若不尔者云何如來現貪瞋等云何聲聞及傍生等知如來心云何經說化無量類皆令有心云何上說

諸化意業云何經說有依他心但諸化色同實色用化根及心但有相現不同實用又就下類故作是說若尔云何不化非情令心相現非情已心等相分云何復令有心相現若心相現則名有情非非情攝是故化心但說二種如前已說妙觀察智能觀自證隨羅尼門三摩地等能觀有情根欲性等說妙法藥名善巧業其餘二智及淨法界與諸功德為所依止能起種種利有情事名方便業經曰定及持門 無邊二成就論曰有義此顯四智所攝眷屬功德有義此顯六種相中相應之相定門即是八万四千三摩地門持門者八万四千隨羅尼門如是二種通生一切有為功德通顯一切无為功德通引一切神力作用利眾生事故名為門无邊二者福德智慧二種莊嚴於中差別有無量種八万四千福德智慧或无量劫修所成故說名無邊前五波羅蜜多名為福德後五波羅蜜多名為智慧或隨所應自性眷屬

一一具二如是二門二種莊嚴四智品中一一具足恒共相應亦復依止清淨法界與淨法界不相捨離故名成就經曰自性法受用 變化差別轉論曰有義此顯五法所成三身差別有義此顯六種相中差別之相雖諸如來所依清淨法界體性无有差別而有三身種種相異轉變不同故名差別自性法者即是如來初自性身體常不變故名自性力無畏等諸功德法所依止故亦名法身受用即是次受用身能令自他受用種種大法樂故變化即是後變化身為欲利益安樂眾生示現種種變化事故體義依義眾德聚義總名為身如是略釋三身名義又法身者究竟轉依真如為相一切佛法平等所依能起一切自在作用一切白法增上所顯一切如來平等自性微妙難測滅諸分別絕諸戲論故契經言諸佛法身不應尋思非尋思境超過一切尋思戲論受用身者

一切功德圓滿為相一切佛法共所集成能起一切自在作用一切白法增上所起一切如來各別自體微妙難測居純淨土任運湛然盡未來際自受法樂現種種形說種種法令大菩薩亦受法樂變化身者一切神變圓滿為相一切化用共所集成示現一切自在作用一切白法增上所引一切如來各別化用微妙難測居淨微土現種種形說種種法成熟下位菩薩二乘及異生眾令入大地出離三界脫諸惡趣如是略釋三身相用又前五法攝三身者有義前二攝自性身中間二種攝受用身成所作智攝變化身經說真如是法身故論說轉去阿賴耶識得自性身大圓鏡智轉第八得故知前二攝自性身此經中說成所作智起諸化業莊嚴論說成所作智於一切界發起種種无量難思諸變化事故知後一攝變化身平等性智如餘論說能於淨土隨諸菩薩所樂示現種種佛身妙觀察智亦如論說於大集會能現一切自在

作用說法斷疑又說轉去諸轉識故得受用身故知中二攝受用身又佛三身皆十義中智殊勝攝故知三身皆得有智有義初一攝自性身四智自性相應共有及為地上菩薩所現一分細相攝受用身若為地前諸菩薩等所現一分麤相化用攝變化身諸經皆說清淨真如為法身故讚佛論說如來法身无生滅故莊嚴論說佛自性身本性常故能斷金剛般若論說受持演說彼經功德於佛法身為證得因於餘二身為生因故諸經論說究竟轉依以為法身轉依即是清淨真如非對治道故知法身惟淨法界真如為性莊嚴論說大圓鏡智是受用佛攝大乘說轉諸轉識得受用身然說轉去阿賴耶識得法身者此說轉去第八識中二障種子顯得清淨轉依法身非說鏡智以說鏡智是受用故又受用身略有二種一自受用三無數劫修所成故二他受用為諸菩薩受法樂故是故四智相應共有及一分化為受用身經論皆說

化身為化地前眾生現種種相既是地前眾生境界故知非是真實功德但是化用經論惟說成所作智能起化業非即化身雖三種身智殊勝攝法身是智所依證故化身是智所起用故似智現故假說為智亦無有過如是三身受用變化既有生滅云何經說諸佛身常由二所依法身常故又受用身及變化身雖有生滅以恒受用種種法樂无休廢故於十方界數數現化無斷絕故如常受樂如常施食故說名常在莊嚴論說常有三種一本性常謂自性身此身本來性常任故二不斷常謂受用身恒受法樂无間斷故三相續常謂變化身沒已復現化無盡故如是法身雖離一切分別戲論而无生滅故說名常二身雖有念念生滅而依常身無間斷故恒相續故說名為常經說如來色受等法一切常住依此道理非無生滅无漏種子修習增長所生起故生者皆滅一向記故色心皆見是无常故常住色心曾不見故

如是三身云何形量法身清淨真如為體真如即是諸法實性法无边際法身亦亦遍一切法無處不有猶如虛空不可說其形量大小就相而言遍一切處受用身者有色非色非色諸法無形質故亦不可說形量大小若就依身及所知境亦得說言遍一切處色有二種一者實色二者化色言實色者三無數劫修感色身相好等業轉五根等有漏色身得佛無漏五根等色无量相好莊嚴其身周遍法界稱實淨土於生死中業有分限阿賴耶識所變身形大小不定且如此界瞻部洲人善業最劣所得色身極長四肘東勝身洲善業次勝身長八肘如是善業漸漸增勝所得色身形量漸大乃至色界色究竟天感色業中寂殊勝故所得色身一萬六千瑜膳那量十地菩薩無漏善根所資熏故身形轉大如經廣說金剛喻定現在前時滅一切障善根勢力量无边故所得色身充滿法界遍實淨土大圓鏡智相應淨識所變身土無限

量故諸佛識變同處同時其相相似不相障碍盡未來際無間无斷依此能令諸佛受用廣大喜樂是故說名受用身土如是身土唯佛乃知非諸菩薩五根所證一一色根能證一切所受境界無障碍故是故諸佛无見頂相無邊法音一切色根作用无限以遍滿故言化色者由悲願力為入大地諸菩薩眾現種種身種種相好種種言音依種種土形量不定變化身者亦非願力為化地前諸有情故現變化身通色非色非色即是變化意業力无畏等諸功德相无形質故無有形量色者變化身語業等隨時隨處隨眾所宜所現身形其量不定如經廣說如是三身一切如來為有差別為无差別法身實性一切如來皆共有故無有差別就能證因有差別故假說差別其餘二身各別因感各別自性實有差別但无別執同處相似利樂意樂事業平等說無差別是故說言一切諸佛由所依止意樂事業於三

種身如其次第說无差別所依法界無差別故利樂意樂无差別故共作事業無差別故如是三身為有各別諸功德不如來法身清淨真如轉依為相真實善有本性清淨遠離一切雜染法故一切功德所依止故一切功德真實性故說名具足一切功德无有色心差別功德佛受用身具足一切色心等法真實功德及為他現化相功德佛變化身唯具一切現色心等化相功德是故三身皆說具有過說伽沙數量功德一切如來所化有情為共不共有義皆共以一佛皆能化度一切有情福德智慧一切平等三無數劫勤修行願同為拔濟一切有情求菩提故如說一佛所化有情即一切佛有義不共以佛所化諸有情類本相屬故是故如來底沙佛時曾與慈氏同為弟子佛觀釋迦所化有情善根先熟慈氏所化善根後熟又觀慈氏因行先滿釋迦後滿遂於一處入火光定

佛地經論卷七

今釋迦見七日七夜不下一足一頌讚歎令起慈氏在前成佛又佛將欲入涅槃時作如是言我所應度皆已度訖又契經說佛涅槃時觀一所化現在非想非非想處當生此間應受佛化留一化身潛住此界先所受身現入涅槃彼從非想非非想返來生此間佛所留化為說妙法成阿羅漢亦時化身方沒不現又諸經中處處宣說能化所化相屬決定是故諸佛所化不共如實義者有共不共无始時來種性法亦更相繫屬或多屬一或一屬多菩薩因時成熟有情亦不決定或共不共故成佛已或共化度或別化度若所化生一向共者何須多佛一佛能化一切生故惟應一佛常住世間教化眾生餘佛皆應入永寂滅佛亦不應化餘眾生令趣大乘以無用故但應化彼令得三乘入永寂滅以易得故誰有智者捨易就難燃燈助日是故所化非一向共若所化生一向不共菩薩不應發弘誓願度事諸佛修學大乘蘇達邨等亦不

佛地經論卷七

應事多善知識諸佛不應以已所化付囑後佛如是等事皆悉相違是故不應一向不共雖一一佛有化一切有情功能然諸有情於无緣佛不肯受化亦不見聞雖一一佛盡未來際常住世間教化无量諸有情類而隨所宜現種種化或現等覺或現涅槃或名釋迦或慈氏等隨一化相所度有情言皆度訖生非想者宜見釋迦化相得度故留化待亦不相違若諸如來同一所化何佛現前而化彼耶諸佛皆有悲願力故不可一化餘皆止息但有緣佛同處同時後得智上各現一化其狀相似不相障導更相和雜為增上緣令所化生識如是變謂見一佛為現神通為說正法如是等事不可思議非惟識理不可解了又自性身寂滅安樂正屬自利功德所攝為增上緣益眾生故兼屬利他又與二身俱利功德為所依故二利所攝受用身者具有二分一自受法樂分謂三無數劫修自利行滿足所證色等實身令自受用微妙喜樂二

佛地經論卷七

他受法樂分謂三無數劫修利他行滿足所證色等化身為入大地諸菩薩眾現種種形說種種法令諸菩薩受大法樂由此二分或說此身惟自利攝或說此身惟利他攝或說俱攝皆不相違變化身者惟為利他現諸化相故利他攝如是三身有四分故得為四句一受用非變化謂自利分實受用身二變化非受用謂變化身為化地前雜類生故或廣或妙或令歡喜或令怖畏改轉不定但名變化不名受用不必令受現法樂故三亦受用亦變化謂為地上菩薩所現種種化身令諸菩薩受法樂故隨時改轉不決定故或廣說佛有二種身一者生身二者法身若自性身若實受用俱名法身諸功德法所依止故諸功德法所集成故若變化身若他受用俱名生身隨眾所宜數現生故又餘經說有十種佛一現等覺佛二弘誓願佛三葉異熟佛四住持佛五變化佛六法界佛七心佛八定佛九

本性佛十隨樂佛前五世俗後五勝義隨其所應三身所攝如是等類隨相應知

經曰如是淨法界 諸佛之所說

論曰如是如來清淨法界諸佛同說具足佛地五種功德三身差別或自性等六句義相由此四頌略說佛地一切功德及前廣說應知摠名聖教所說

經曰時薄如梵說是經已妙生菩薩摩訶薩等諸大聲聞世間天人阿素洛等一切大眾聞佛所說皆大歡喜信受奉行

論曰此中顯示聞法眾會依教奉行由佛淨識悲願所引變似契經增上緣力時眾自心善根成熟似彼相現謂聞佛說皆生歡喜信受奉行諸聲聞等或現化作或是真實受用變化二土同處聽法徒眾所聞雖同所見各異不相障碍上亦見下下不見上各各利益安樂事成
佛地甚深諸句義 我今隨分已略說
功德普施諸群生 願速等成無上果

諸有書寫所生福 後後勝善等流果
願此相續盡未來 利益安樂諸含識

佛地經論釋卷第七

佛地經論卷第七

校勘記

- 一 底本，金藏廣勝寺本。
- 一 六〇頁下二行第九字「得」，諸本作「行」。
- 一 六〇頁下八行第一〇字「無」，諸本作「不」。
- 一 六二頁上五行「故名」，石作「名為」。
- 一 六二頁下一八行第九字「示」，資、磧、普、南、徑、清作「示」。
- 一 六三頁中二行第六字「用」，磧、普、南、徑、清作「同」。
- 一 六三頁中二二行第一二字「五」，資、磧、普、南、徑、清作「一」。

- 一 六四頁下一行第四字「化」，資、磧、普、南、徑、清作「他」。
- 一 六四頁下二二行第五字「記」，磧、清作「說」。
- 一 六五頁上一四行第一〇字「劣」，石作「少」。
- 一 六五頁中六行第二字「受」，徑作「證」。
- 一 六五頁中一一行第四字「非」，石、資、磧、普、南、徑、清作「悲」。
- 一 六五頁中末行第八字「止」，資、磧、普、南、徑、清作「上」。
- 一 六六頁下一七行「受用」，徑作「用身」。
- 一 六六頁下一七行第一三字「法」，磧、普、南、徑、清作「生」。
- 一 六七頁上一五行第一〇字「似」，南、徑、清作「以」。
- 一 六七頁上二二行末字「說」，諸本作「釋」。
- 一 六七頁中末行第五字「釋」，諸本無。